

棗林雜俎 中集

名勝

黃河

運河

潮汐

王寧窮汕記

呂梁洪

月湖

石槽水

粉水

龍潭

珠池

九河

鹽池

南亂北亂

禹穴

鴈湖

醋溝

須水

鶴州水

清池

蘓池

舜井

丹井

蕭府井

鹽井

澹泉

膽泉

燕泉

喊泉

靈泉

宮建

山陵

槐廳

梅熟堂

耒玉堂

厄臺

鶴臺

六相樓

四雨樓

鐵柱宮

白塔

龍門

御題祠山廟

長平驛

興言書院

聖井

柳翠井

火井

喜客泉

肥泉

婆心泉

聖泉

趵突泉

溫泉

候氣室

明德堂

六老堂

銅雀臺

主人臺

摩旗臺

瑞光樓

朝天宮

雙魚宮

鎮河塔

南岳廟

江神廟

鐵柱

水廠

魚骨橋

廣濟橋

萬安橋

楹帖

宋文貞公碑

木牌

顛頊塚

禹陵

齊桓公墓

陳仲子墓

青塚

高陵

郭璞墓

張賓墓

寶峯寺古墓

灑陵阡

琴操塚

鐵棺

黃元菴墓

張王墓

鄭曉墓

器用

研

仙針

皇過此橋

倒流橋

仙橋

鐵牛碑

毛文龍碑

定霸城

鯨墓

閩龍蓮塚

雙蛾堆

王翦墓

孫嵩墓

黃耳塚

太康瓦券

李太白墓

南漢劉氏塚

蘓文忠墓

方臘祖墓

劉刺史墓

蕉花女墓

孫一元墓

邵濟古墓

鐵塔鐵鑊

琴

鐘

圓花鐸

張三年食器

貢金

銅冶

鐵獅

關將軍印

藤船

荒銀

緬鈴

榮植

古木

竹

彭侯芋

荔枝

羅漢菜

地黃

薔薇露

文林郎

君子樹

血樹

塔松

陰陽柏

順棘

鼓

辟塵鑪

銅法馬

窖金

紫石英

銅獅

遺印

空青

琥珀

蓬萊閣石鏡

穀

長韭

甘藷

獨本蔥

人參

佛手柑

大內瓜子

不灰木

木威

鐵樹

椿實

紅荳樹

蘼草

羅漢樹

金剛纂

孝陵海棠

婆樹木花

葡萄花

娑羅樹花

玉女花

延州紅

金蓮寶相花

轆頂花

素馨茉莉

廬山紫芝

菊譜

棉花

仙州

真仙洞州

俱那衛樹

虞美人州

通靈州

茶

經劫草

曠動

獸異名

龍

松羔

赤藤

指甲花

木蓮

唐婆鏡

滇茶

勞山白牡丹

海棠

紫金蓮

普舍樹

特產

菊寶

蘭

茅

不死草

觀音篋觀音燭

夢花草

羅漢絲

相連草相離草痴漢藥

金絲烟

禽魚異名

鱗

蛇 飛魚 狼山魚 鯉魚 石花魚 蛙 蝗 金蚕 鳳毛 鷄足山并鳥 朱鷺 石鷲 鶴 鸚鵡 綠琴采鷄 鴉 牴詭 毗耶 獅 犬 白兔 豪豕

石魚 五色魚 鮓魚 魚魚 鯽魚 玉蟾 棠蟾 野蚕 碧雞 石燕 海鷗 沙鷄 白蝙蝠 鷓鴣 羅雀 桃板 騰斡 鹿 羊 鼠 麟 馬

棗林雜俎 中集

名勝

黃河


河南北諸水源濘而暴漲每遇發時浪高數丈排山倒岳杠梁
舟楫皆不易施然其淺可立而待也故俗以徒涉為便許松鼻
謂孟子不知子產乘輿之事亦有理 陸儼山外集

九河

保定地卑水自西北來者九曰蘆溝橋拒馬夾河琉璃胡良桑
乾烏流白澗白溝是為北九河非禹疏九河也從雄縣而下匯
於毛兒灣

運河

鹽官談遷孺水著



鎮江至杭州運河相傳隋煬帝鑿濟寧楊士聰游武進戚墅壩
讀遺碑戚墅支河自六朝已有之此言必有所據夫使運道未
通而先有支河此消者將安所歸則知自古而然非自隋始
也或因而濬之耳見玉堂薈記中愚按夫差鑿邗溝以達江淮
能致力江北豈蘓常近地獨不通舟楫耶政楚攻齊轉餉一二
千里必非陸輓則運河為夫差時無疑

鹽池

解州鹽池蚩尤所窟穴平時淺波歲九月九日先後數日嘗大
風雨為化鹽之候彼二十里之聚各儲草薦木屑竹枝樹梗蔽
復壞絮之屬一切雜投狂風一夕作凍明日視之滿皆鹽華矣
味甘鹹甚瑩潔始祭蚩尤之旗官收其半民取其餘無不滿志
寧夏鎮城南北各三十里俱有鹽池其產不多官亦不禁不知

于古何名河東邊外有花馬紅柳鍋底三池以境外棄今鹽池
之在三山兒者曰大鹽池在故鹽州城之西北者曰鹽小池其
地曰字羅等池最多皆分隸大鹽池其鹽不勞人力因風而生
原額三千二百餘引弘治九年延綏寧夏二鎮輪招馬匹尋乃
奏革正德初總制楊一清奏如河東運司例每引收銀一錢五
分增課五萬二千引

潮汐

招遠楊太史觀光曰地之有潮即在人有天癸之說也潮之理
每歲升降於二八二八為一歲寒暑之分每月升降于初八廿
三為朔望之分每日升降於朝夕朝夕為晦明之分八月潮生
而天交於地二月潮生而地交於天天交於地而秋冬閉胎息
之象也地交於天而春夏啟長養之象也天地男女一而已矣

崇禎戊辰潮溢吾寧邑人望城外如火蓋陰火潜然之謂也

南亂北亂

平涼府沙棠川出崆峒山之後峽匯於崆峒之東麓曰南亂金佛峽水循府川而東至龍音寺出與崆峒前後峽水而為涇過府城西北曰北亂詩注曰亂截流橫渡也平涼府志

王寧窮汭記

涇州諸生王寧記曰汭水紀於禹貢廣韻汭音儒說文汭从水从内訓曰兩水合流之謂也又曰小水入大水之名質其實雍豫二州有專名之者有通名之者專名者以義也通名者以類也以類通名如會於渭汭東過洛汭是也蓋渭自鳥鼠而東逝涇出筭頭以北來二水至高陵而匯於河經龍門東至豫州洛由熊耳東北入河既皆小水入大水且西流合為一以故不曰

涇渭而曰渭汭不曰河洛而曰洛汭由是推之則凡諸州之水類于是者皆不拘定名而得通稱為汭也以義專名者涇屬渭汭是也汭在華亭城東三里乃兩水合流其北源西出小隴山之馬峽俗呼北河南源西出隴山之仙姑峪俗呼南河北河環朝那山前蓋山有古朝那王廟其西北有湫東去縣東三里而別稱為雨山南源環王母山山巔有古王母宮東去四里別稱為儀山俗呼為回頭山儀州寔以是名也儀雨兩山南北對峙豁開如門故兩水合而東流名之曰汭也又二水交流而下亦專名為汭也汭匯為深潭名合水之北岸一臺高廣平夷荆榛瓦礫錯雜相傳禹王廟也北陟雨山之巔遙見東南隱峰岬侵入太虛隴川吳山也沿汭峽石三十里皆斷崖推壁神禹疏鑿之跡也峽行十五里南嶼有女神之廟扁曰抵汭元君

土人呼底茹娘、汭讀為茹、孺同音廟東十五里至石堡汭
北受柴邱水源出朝那湫山之陽而陰即為涇水又東五里至
安口峴牛心山南受武村水汭至是益大北有斷萬山自馬舖
嶺柴邱而來南有五馬山自石櫃寺武村而至兩壁削立峴岩
百仞東汭于中雪浪湍激經行五里為屯城唐李元諒屯兵扼
吐蕃者也屯東為崇信川汭水益大深不可涉行旅皆袒而濟
又東三十里北過崇信縣城崇信人曰汭水遠北又東七十里
東過涇州過回山乃屬於涇弘治戊午督學副憲虎谷王公按
涇州試諸生竣乃涉水登王母宮寧從行王公東眺曰北流而
濁者何水乎寧對曰涇也南流而清者何水乎對曰汭也公曰
是禹貢雍州屬涇之汭乎周職方其川涇汭乎昔公劉有汭鞠
之即吾過豳西行三十里涉一大河北入涇是何名乎寧曰靈

臺之遠溪也公曰朱子注萬鞠之即曰豳地日廣也試且廣求
之斯地有百泉乎寧曰去華亭西北三十五里朝那山湫陰有泉
百餘為涇源乃百泉也有浦原乎寧曰亭口靈臺之西沂陽隴
州之北華亭龍泉之東有廣原唐尉遲敬德破突厥郭子儀破
吐蕃之西原也李元諒開美田千頃號曰良原今為溇潤原公
又曰此與吳山南北乎寧曰正相南北公曰必茲西去百里外
有兩水合流者可謂之汭矣若其窮之乎寧計華亭至涇程一
百三十五里果符公言還白公公曰朱子注詩言汭水出吳山
西北者以名山而志名水窮汭沂流也今遂謂出隴州東入於
涇今隴水乃沂入渭去涇遠矣其將置溇源於何地乎
趙中丞時春曰寧之論汭謂小水入大水是矣然遠溪雖經流
靈源出武村西南遠門川諸水合良原靈臺諸溪以入涇皆汭

也

禹穴

松潘亦有禹穴禹生于此其水皆丹雘李徐道荆親見向予言之陳眉公太平清話

呂梁洪

萬曆癸卯鑿徐州呂梁洪得唐尉遲敬德所題名相傳孔子觀呂梁非其處

鴈湖

廉州府城西北七十里雁湖每秋冬有雙鴈游于其間為其罕有故名

月湖

寧遠衛月湖廣斥無水草遠望瑩然畢照俗呼為古戰場也

醋溝

唐岑參詩鴈塞通鹽澤龍堆接醋溝郭緣生述征記醬魁城至醋溝凡十里

陰司溝

襄城縣北四十里穎橋鄭莊公見母處有隧道在焉俗呼陰司溝

八功德水

南京靈谷寺琵琶街側有池云八功德水余嘗過之則涸按八功德水見天竺國一清二冷三香四柔五甘六淨七不噎八除病

皇后水

武安縣西八十里太行山中有池夏涼冬溫世傳宋太祖下河

東將引皇后入晉陽后病瘡搦此水浴之遂愈至今人稱皇后水武安縣志

水柱水

宣府懷安衛城西南三十里虎窩山崖水出盛夏結為冰柱至隆冬反釋

瀘水

諸葛孔明五月渡瀘水即黑水非瀘州也其水色黑故曰瀘沉黎古志孔明南征繇今黎州四百餘里至兩林蠻自兩林南琵琶部三程至雋州十程至瀘水瀘水四程至弄棟即姚州也金沙江在滇蜀間一在武定府元江驛一在姚安之左邵據沉黎志孔明所渡當是今之左邵琵琶一作氣琵琶兩林今之邛部長官司也

愛陽河水

宣府愛陽河在炭山西北二十里本牧地深二尺餘下有頑水黑色者數尺水上有浮草性涼宜牧馬其地生黃花大如錢人馬蹂踐萎悴明日復生如新

石槽水

高臨縣清真觀在縣東南二十里吳村西魏文帝嘗過此有石槽圍方不及二尋水常盈以飲隨駕馬千餘匹不減涓滴文帝昇之至觀者對曰臣有飲馬珠在內故水不竭頃首獻珠今石槽存

須水

榮陽須水須音會今寫作須讀作需記

粉水

粉水源出房縣蕭何夫人於此漬粉鮮潔異常

鶴川水

雲南鶴慶刀劍取麗江之古宗鉄濯以鶴川利可割犀屈之可以繞指

龍潭

天啟丁卯立秋日天台石梁下龍潭忽涌金錢三枚各重一兩六錢面鑄太平通寶四字攷縣志宋太宗鎮潭物也遂募塔曰聖祥

清池

滄州清池凍冰結花四散離披有松竹牡丹車馬人形等異狀詩云雨木日甲皆佇立結冰池上盡離披出周府博平王錦囊清池中蓮蕊取之研如泥凡繪圖寫畫火焰勝金色以上滄州

志

化癭池

武安縣西柏林里有池周十八畝癭者飲之可化

珠池

廉州府城東八十里平江青鳶楊梅池雷州有樂民池俱產珠

明時率十五六年或十年一採始得美珠適者三年一採俱碎小藩臬有司頗受詰責

嘉靖二年採珠至廿二年復採僅隔十年海北道僉事翁溥嚴立採法四閱月方才封用銀七千餘兩除織造螺筐起蓋廠房夫役俱役民不預造報者不下二千餘兩僅得珠四千餘兩所得不償所費尚且碎小區不堪二十四年九月又採如前

知府胡鰲建議謂前採納至今僅隔一年螺珠未生縱有一二
生息俱係嫩小無珠恐復虛費又攷洪武廿九年詔採珠至永
樂十四年始復採又至天順三年詔採珠弘治十五年復採正
德九年詔採珠則以為頻數矣嘉靖五年詔採珠其年十二月
大雨池水冰結樹木皆枯民多凍死螺筐夜有火光人皆異之
九年又採十二三年連採此珠之所以少也正德九年採珠
於樂民池無珠

蘓池

眉州三蘓祠有二池遇賓興蓮開並蒂必有登科者

舜井

舜井在歷城山下綠床朱綆婦子牽挽數十步不止也深十五
丈左圓右方或棄物于井則從面出

倒井

諸城縣北五十里城陽社井歌臥斜入如人攀倒而然泉甘冬
夏不竭

聖井

邯鄲縣西北二十里聖井其水常溢遇旱取水祈禱有驗先期
齋宿於廟次日詣城隍廟焚告詞又次日與眾步迎城隍如聖井
廟拜訖令婦潔者七人各持新帚環井洗箕以箕揚水如飛
雨狀仍各大聲云東海老龍七個女刷子簸就下雨如是者數
次始淘井時大代鐘鼓眾伏地呼號如哀如訴待新泉涌出取
注瓶內仍徒步捧歸朝夕行香雨後送水入井謝之 邯鄲縣志

丹井

四川德陽縣江干有許旌陽丹井江水撼射井屹然不崩歲旱

江竭井溢如故郭子章蜀草

柳翠井

仁和縣鼻亭山柳翠墓普濟庵有柳翠井

肅府井

甘肅：王府有井嘗酒秋子果熟以牲禱井泉溢煎果作紙味酸解渴化痰果盡復涸又酒泉倉無鼠曹縣藍亞中集

火井

臨邛縣火井夜時光映上照民欲取其火先以家火投之頃許如雷聲火焰出通耀數十里以竹筒盛其光藏之可拽行終日不滅井有二水取井火煮之一斛水得五斗鹽家火煮之則無幾也杜詩負鹽出井此浚女正指是井蜀井大都艱於得鹽而此井獨易

鹽井

蜀中鹽井始于李冰大都竹井：形大如竹僅可容竹也其鑿之甚艱其入之甚深其汲之甚苦水出山石澹上鹽下有鑿皇五六寸大而淡出百丈而鹽出鐵釘漕釘刮筒吞筒等器纖悉甚備不比晉齊燕取水成鹽之易也四川通志

喜客泉

句容茅山喜客泉濶二丈深三四尺清冷見底客至拍手浩嘆惟笑泉底噴沫如珠串啞：向人浮出相戒默然無言泉亦沉靜

澹泉

海鹽尚胥橋北河中方丈許沸涌味淡蓋海眼也或繩探之莫測土人沈氏偶篙中之反躍一木為梁又縣城西天寧寺有澹

泉鄭端簡澹泉本此

酒泉

東昌莊平縣西北丁家岡甘泉宜釀

肥泉

水經有肥泉如國地志有肥壘城其地在今東垣之境泉水詩曰我思肥泉茲之永嘆釋謂衛女思歸肥泉為自衛而來所渡水今此水當在邢衛之間予往經是縣泉水又不多見也但觀其土壤沃饒優於鄰境肥之名其以是與

陳棊廣平府舊志

瞻泉

鉛山縣西七里銅寶山有貌平坑石竅中瞻泉流出浸鉄可銅又驚湖鄉去縣治七十里溝漕七十所取本地水積為池隨地開溝碎鉄鋪之浸染色變鍛則為銅又德興縣北銅山下

名銅泉浸鉄數日類朽木刮其屑鍛銅

福建上杭縣紫金山胆水池亦如之宋游經言胆水可浸鉄為

銅者凡十一所古玩有水處曰胆水無水處曰瞻土胆水可浸

銅胆土可煎銅

婆泉

廣西慶遠府思恩縣北五十里有水常隱不見遇行人渴飲呼婆則涌出飲足復竭慶遠府志

燕泉

郴州城西有泉春燕來水盈秋燕去水平故何孟春尚書號燕泉

聖泉

貴州城西五里泉出石罅匯為方池一日百盈百竭弇州錄名

百刻泉郭中丞子章往觀倏盈倏竭偶雨集井溢僕夫趣歸言
百舉成數也一統志稱聖泉長史劉汝楫記曰字內名泉若湯
泉火井瀑布趵突諸類洎陸羽所品次靡可縷指特壤界色味
稍殊而無潮汐惟漳浦蜡湖侯官潮泉鐘山應潮連州潮泉固
亦消息有期而其地瀕海乃緣海為潮汐泉不得與也若池陽
潮泉章貢三潮安寧海眼梁平鳳游荆門蒙泉郴州潮泉吾鄉
龍驛潮井去海懸絕似與聖泉為伍第彼潮候僅再至三至亦
未有百刻消長別具一索齋者則聖泉之靈且异在別境寧復
有此乎

喊泉

武夷山喊泉當製貢茶太守禱畢大呼天子要茶泉即溢復呼
太守要茶泉復溢否則涸按何喬遠閩書建安縣御泉一名鳳

凰泉一名龍焙泉宋上供茶取此深僅二尺許有暗渠通溪泉
日夜從渠出而舊志謂喊之則出造畢則竭蓋神异其說以表
美云

趵突泉

濟南府呂祖廟前趵突泉三穴並湧高數尺如隱雷蓋沈水下
流也崇禎乙卯正月濟南陷泉勢亦減

靈泉

岐山縣東十五里周公廟東西有靈泉相傳世治則出世亂則
竭其出必風雨數日唐太宗二年出賜名潤德後復竭雍熙二
年復出金末復竭元至正十七年復出其後仍竭明弘治十五
年九月甲子雷風大作山澤震裂泉乃復出

溫泉

泉貴甘冽至于溫異矣又並泉也一溫一冷猶是泉也候溫候
冷不異之異乎博物志凡水源有硫黃其泉則溫或云神人所
暖主療人疾後周王褒溫泉銘云白礬上徹丹砂下流乃知溫
泉必白礬丹砂硫黃三物為之根乃蒸為煖流身明廣陵御史
桑喬曰雷火所灼其氣亦硫豈以雲雷之中而亦有硫哉蓋極
陽之氣也夫溫泉亦極陽所聚蘊隆如 五行變化矣所不至
蕭山之墟有涼醜焉可云其下有冷石耶愚深服其辨而溫泉
變換又所未詳正聖人之不論不議也概見一統志間有遺採
偶彙之似終未盡

北京

順天昌平縣西北二十五里湯洛山下有溫泉又東南三十八
里湯山下有溫泉四時常溫浴之愈疾

遵化縣西北福泉寺山下寬平約半畝泉水沸出溫可浴

真定府平山縣西四十里溫泉

阜平縣西北八十里湯池俗傳昔有吳王經此欲浴池水忽熱

王惡之旁即有冷泉噴出至兩泉一溫一冷

順德沙河縣西北七十里湯山下湯泉可愈疾

永平府撫寧縣東北七十里溫泉浴之愈疾望之熱氣氤氳

延慶州西北三十里佛峪山下有溫泉

保安州城南十五里溫泉

萬全都指揮使司宣府城東六十里湯池山有溫泉愈疥癬又

西南順聖廢縣東二里溫泉下流半里滲地

赤城堡龍門鎮

宣府城東北四十里

北鄉赤城寺側山根湧出暴熱而流

有一冷泉浴之愈疾

雲州堡寶濟鄉暖湯一處出泉凡七十二眼

南京

應天府上元縣東六十里湯山湯泉六穴以煮豆穀終日不熟
草木灌之愈鮮茂劉宋江夏王義恭銘曰秦都壯溫谷漢京麗
湯泉炎德資遠液暄波起斯原 又府城東北四十里水同一
壑冷熱相半熱可瀰難中皆有魚、交入輒死民引熱水溉田
一歲再熟 又府東南鴈門山上有溫泉可浴

江浦縣西三十里湯泉一名香泉其泉有二相去百餘步南唐
韓熙載記其泉能蠲除疾疹又溧水縣西南香泉同

廬州府巢縣東北十五里半湯山有二泉名半湯池一冷一熱
合流其初冷熱 異數里之外始相混魚自冷泉觸熱則亟回
舒城縣西南七里湯泉冬夏常熱可以烹茶

英山縣東西皆有湯泉四時沸騰不竭

安慶府望江縣菩提寺北司馬龍井冬溫夏冷可以愈疾

皖公山上湯泉四時如湯可浴

徽州府歙縣西北百二十里黃山第四峯有泉沸如湯常湧丹
砂浴之能愈風疾

和州北三十五里平疴湯泉其色深碧 白香氣襲人愈瘡疥

太子泉即湯泉之一梁昭明太子嘗浴此

含山縣永興院半湯泉

山西

太原府定襄縣東北二十里聖阜山有溫泉龍朔中嘗賜錦幡
李治有碑記

遼州東八里溫泉冬寒熱氣上騰五六尺 沁州南一里暖泉

隆冬不冰

孟縣北百二十里溫泉有三穴一穴出盤石中尤熱舊經云北齊濟南王有疾於此沐浴遂愈其水南注滹沱河一出縣東二十里名溫池泉

孝義縣西九十里高唐山之側溫泉靈液淡之和氣如薰經嚴冬積雪不冰

大同府治東北火井南北七十步廣減尺許深不見底炎熱上井廣輪如火井熱勢亦同以草內之皆沾濡露結故俗以湯井為日升井

靜樂縣東十五里北山下石縫中溫泉流入碾河蔚州府西三十里暖泉夏涼冬暖可資灌溉

岢嵐州城南山下溫泉其穴數十引為水磨

永寧州城西崖下溫泉湧出南流與川水合

寧鄉縣西南百里暖泉村其泉有氣又名牛尾泉西北流入黃河

五臺縣東南四十里有溫泉東流入清水

山東

兗州府曲阜縣南七里溫泉

沂州東北郯城縣西北俱有溫泉

青州府安丘縣西七十里溫泉

登州府城南七十里溫泉又棲霞縣艾山寧海州嶧山

福山縣西三里奇泉自石孔出冬溫夏冷

招遠城東二泉並出一寒一溫

寧海州東四十里龍泉文登縣西七里湯泉又東北六十里温泉皆寒温二泉並出

萊州即墨縣東四十里温泉烏隨輒爛旁有涼泉
遼東都指揮使司温泉凡六一都司城南五十里一城東南五十里柳河一西南七十里鞍山一曹庄驛東十五里一寧遠衛東南二里一廣寧前屯衛東北七十里

河南

河南府城南温泉冬温夏涼又新安澗池嵩縣俱有之

南陽府城北二十五里紫山有水冬夏常温曰陽谷

裕州歷山七峰山各有泉冬暖

汝州西南六十里温湯泉有九眼東南流注廣成澤可療疾唐武后嘗幸此有温湯碑又有寒泉南流

汝寧府固始縣西南山中温泉其熱如湯其色綠

商城縣南温泉能已瘍疾

涉縣西北三十里温泉今淤塞不存

陝西

西安府臨潼縣東南二里驪山温泉下乃磬也秦始皇於此砌石起宇漢武加修飾唐時建温泉宮

藍田縣西南四十里石門湯泉

武功縣太乙山有水沸湧如湯可療百疾

鳳翔府寶雞縣太白山下温泉可治百病世傳清則疾愈濁則無驗

平涼府北城之間有温泉即古柳河也深數尋溢出灌溉諸園圃冬暖不冰趙時春平涼府志曰平涼府為川者二十而羸為

泉而冬不冰者以數百而冰者不與焉
鎮原縣鹽池東有泉冬溫又有泉可植蓮皆東入高平鄉
隆德縣城東百步溫泉出石穴寒洄不冰萍草冬青下有麋蓮
池園可二里

靈臺縣保山之陰溫冷泉半溫半冷浴之愈疾

靜寧州城東五十里有煖泉冬勿凍又城東三十里乾磴川有

溫泉

延安府治南泉有七眼味甘冬溫夏冷過大寒流溢不凍甚濟
居人

甘泉縣南四十二里溫泉山下有溫泉

陝西行都指揮使司永昌衛城西南三十里暖泉二穴湧出四
時常溫東北流入水磨川

寧夏靈州守禦所西南一百餘里山東滾泉自地湧出高丈許
其沸如湯

寧遠常州煖泉在鹽池西南

浙江

金華府東陽縣東南四十五里夏山上有池冬溫夏涼

台州府仙居縣東南二十里黃赤湖修廣皆數丈水四時如沸
夏飲寒侵毛骨冬飲則如湯相傳宋時嘗有龍出沒云

桐廬縣北十五里神泉冬溫夏涼病者飲之或瘥祈禱多應

江西

南昌府寧州西黃龍山下冷暖二泉同出相去數尺

奉新縣九仙山湯泉湧出道間一溫一沸

南康府建昌縣西八十里湯泉愈瘡疾

廬山主簿山在胡郎廟南數里山下有溫泉中有伏石分為二流其陰水差寒其陽水常沸

吉安府龍泉縣湯泉凡三一縣西百里一新田院側一米砂礮下

袁州府宜春縣城南三十里有溫泉、有魚投以生卵即熟
贛州府溫泉凡九在信豐者一在寧都者二在安遠龍南者三皆溫如湯而寧都尤熱

九江府德安縣三十里廬山下湯泉石池五南一池極熱手不可探北四池稍溫浴之有硫黃氣

湖廣

武昌府蒲圻縣南五里湯泉冬夏常沸
襄陽府光化縣南五里溫水河舊有一泉其水溫暖今河尚存

房縣東湯泉中有硃砂

德安府應城縣北六十里京山有溫泉淵靜如鑑聞人聲則湯奮發其熱可燭雞又應城西五十里玉女泉其泉熱沸

隨州城西百二十里大洪山西北有煖水

新州城北百四十里泉沸如湯有硫黃氣

岳州府平江縣北九十里幕阜山有溫泉三穴

長沙府攸縣東六十里溫水泉冬溫夏涼又縣東百二十里有煖水石泉宜冬浴

衡州府耒陽縣平陽五都有二泉其水春夏溫和冬滾沸

永州府零陵縣溫泉

常德府桃源縣西北百二十里湯泉常沸又有冰泉人曰陰陽泉

郴州興寧縣東北五十里石牛山其巔有雁池冬月溫燠雁常食息其中郴州城北二十里平地泉湧出如湯沐之愈疾桂陽縣北三十里白芒溫泉冒風者浴之多愈宜章縣東二十里溫泉池又縣西六十里有桃花湯其水冬夏常煖

四川

成都府新都縣溫泉冬月未至數里遙見白氣如烟順慶府儀隆縣火井天寒焰從地出

叙州府富順縣火井

重慶府城西南百六十里溫湯峽泉自懸崖而下涌出四時騰沸如湯合州東五里溫泉

夔州府開縣三潮溪冬熱夏涼又縣南溫井冬夏常溫潼川州蓬溪縣西二百里官館鎮之北伏龍山下火井地窪若池以火引之有聲隱隱發地中少頃炎熾夏月積雨停水則焰從水上水為之沸而寒如故冬月水涸則土上有焰觀者至焚其衣裾也又邛縣西八十里火井博物記云井深二三次以竹木投取火後人投燭井中火即滅絕不復燃東川軍民府西南三十五里湯池水出石竇中熱如湯沸清徹如鑑

四川行都指揮使司溫泉二曰寧番衛城東百四十里白越雋衛城東二十里四時溫煖可愈疾都司北七十里熱水池四時常熱流入溪河合瀘水接金沙江

福建

福州府城東崇賢里湯泉味甘而性和熱甚硫黃氣謝肇淅五
雜俎云吾郡城內外溫泉共十五處

汀州府城東四十里湯泉

興化府莆田縣城西南大溪中湯泉有二穴如井熱甚漢時胡
道人棄丹於地水遂溫浴之多壽以上見一統志而莆田又錦
江西桃源溫湯池又上杭橋西北岸溫泉潮遠可浴餘縣搜附
於後

南安縣城山溫泉有四三熱一溫

德化縣湯巔湯泉出焉

永春縣湯泉二一在湯邊一在登瀛橋北

安溪縣湯泉六

大田縣湯坑湯熱可浴

沙縣熱水池其水夏冷冬溫

永安縣湯池六熱水口苦竹村池仕洋湯池溫湯池龍峯湯池

上杭縣溫泉二小坂湯

長汀縣南何田市湯泉周數十丈熱能熟生名無垢泉又一在

縣南安仁縣石竇中湧出可溉田

清流縣溫泉三池溪嵩口北原可以熟卵

連城縣溫泉

永定縣溫泉三大洲湯泉出地中下洋湯泉出石壁李田湯泉

熱能熟物旁有溫泉可以和之

龍溪縣溫泉舊西廂城址下

漳浦縣梁山南北兩麓各有溫泉

龍岩縣溫泉在塗瘴社四時可浴一在小溪社熱氣尤盛

南靖縣溫泉四永豐里二歸德里一清寧里一
長泰縣湯泉二

平和縣湯泉二清寧里新安里

寧洋縣湯泉

廣東

廣州府清遠縣東九十里湯泉有石如錢出泉熱可熟物

韶州府城東南五十里湯泉能熟生物每霜雪時泉氣上蒸赤

魚時見人不能獲又曲江縣西北四十里泉有三穴四時沸涌

可以芘烹又樂昌縣東北四十里溫水冬夏常溫愈疾又乳源

縣西北二里石穴中溫泉又靈君山周山嶺溫泉二

瓊州府感恩縣北七里溫泉夏冷冬沸能愈風疥瘡氣

高州府溫泉三曰府城北一百七十里曰信宜縣治南曰石城

縣北五十五里

廣西

柳州府來賓縣西北一百里雙泉冬溫夏涼

象州東三十里溫湯泉其水常熱可熟物

萬州城西溫泉

雲南

雲南府安寧州北十里湯池雲南溫泉非一此為甲色碧如玉

可鑑

臨安府治溫泉每春暮郡人浴三日謂祛時疫又西北四十五

里及建水石屏阿迷三州通海河西嶺峨蒙自四縣俱有之

鶴慶府城東南溫泉每歲三月浴之愈瘡

麗江軍民府通安州阿尖村有溫泉

廣西府彌勒州西十里阿欲部山下溫泉

蒙化府城南甸尾山下溫泉相傳蒙納奴邏母病浴之愈

尋甸軍民府南五十里溫泉俗呼熱水塘

沅江軍民府城西北十五里溫玉泉石間迸出如湯

北勝州溫泉二曰州城枯木村曰州南沙田村

馬龍他即甸長官司北五十里徹崇山溫泉其熱如湯

金齒軍民指揮使司城東二十里哀牢山下有石狀如鼻二泉

出為一溫一涼曰玉泉又城西二十里虎障山下溫泉

隴州宣撫司湯泉從石罅出為河熱甚

貴州

貴州普安州溫泉有二一在城東南八十里一在樂民千戶所

西水溫可浴

水異名

芮水厓也芮之言內也水之內曰隩水之外曰鞠韓詩芮沆之

即沆與鞠同九臯九折之澤也水隙曰澹隱重羸也水之夷上

洒下似之許氏曰岸上面平夷而其下為水洗蕩鑿入之也水

中高地曰坻水草交曰蘆水會曰淥一曰水外高有瘞埋之象

營建

山陵

孝陵應天府朝陽門外鐘山 懿文太子祔葬于側世稱東陵

孝陵後有小阜曰大山萬曆間金壇于王立欲治葬以科臣論

止空其穴後誠意伯劉孔昭葬其父蓋臣

孝陵享殿 太祖高皇帝孝慈高皇后左淑妃李氏 妃 氏

皇貴妃孫氏皇貴人 氏皇美人 氏右碩妃生成祖文皇帝

孝陵道中觀音閣後壁瑪瑙石高丈餘衡丈有 尺光潤如玉

出青龍山永樂間採置

長陵昌平州城北天壽山自紅門進御道凡二十餘里舊名東

祚子山永樂七年卜建賜曰天壽世傳燕山竇氏舊居無據于

峯萬壑交鎖周密差栽森翠後視高山數十重來跌斷明堂平

澗羅城諸小阜尤密匝祔葬十六妃

獻陵在長陵右祔葬四妃

景陵在長陵左祔葬七妃

裕陵去昌平二十五里獻陵之西祔葬十八妃

茂陵去昌平二十七里裕陵西北祔葬十四妃

泰陵在茂陵西無妃祔

康陵去昌平三十五里泰陵之西九龍池環其前松園統其左

永陵去昌平十八里長陵之東南規制魏殿如長陵而巧麗過

之俱襄陽白石兵部負外郎餘姚駱用卿所擇祔葬妃三十嬪

二十六

昭陵

定陵在大峪嶺徐尚書學謨議擇時通政叅議梁子琦

等難之為輔臣申時行王錫爵等所斥崇禎初尚書姚思仁任

督理多朽石寧無罪地脉哉吾寧陳與郊以給事中巡工言壽

宮五室中三間待馭四隅維以鉄索各大銅缸注油左右室通

門待中宮及嗣帝所生母升祔

神廟闋壽宮自坐石室飲酒

慶陵

德陵石橋高不五尺長不五丈砌石無甚費而耗二十餘萬金

享殿寶城尤不貲且陵地窄堪僅當兩山之脉在永陵左沙相

距不百步也蔣德璟云

德陵窆日石梁中断諸臣亟培土不敢以聞諸陵明有碑題

宗皇帝之陵稜恩門內有碑俱無字開以木柵

思陵在紅門西三里與諸陵隔河諸陵俱河北 思陵獨河南

即故皇貴妃田氏園也

候氣室

順天府治有候氣室每立春先期五日奏遣欽天監習占候者二人往設瑄寶灰即舊法占畢還奏

明德堂

天下泮宮俱明倫堂獨應天府學明德堂以宋文天祥手書故

梅熟堂

鄆縣東北三十里大梅山護聖寺漢梅子真舊隱也寺有梅熟堂先是梅甚巨稱為梅龍孫權伐面三之一會稽禹廟梅梁張僧繇所画龍飛去者有梅核半可容粟一斗正德間盜失

六老堂

南康六老堂因五老峯祀宋守朱元晦曰六老

來玉堂

王元美弇山園中堂成適汪伯玉至名曰來玉董玄宰做之樓成適陳仲醇至曰來仲

瞭鷹臺

南海子方百六十里殿旁瞭鷹臺臨三海子渡以七十二橋

銅雀臺

曹瞞臺於鄴水與西門豹祠相近今水中隱三臺址蓋銅雀金鳳玉井云二臺久沉一臺址稍高

厄臺

陳州厄臺孔子絕糧處崇禎時流寇倂發諸生其上圍斬之又遺厄也

主人臺

潁州東二里岳廟前元末每旦彩雲騰覆 明興太祖嘗幕其上天下大定雲散土人呼主人臺 潁州志

鶴臺

崇禎甲戌湖廣松滋縣得石碣晉羊叔子所書鶴臺二字

摩旗臺

全椒縣西北四十里宋將焦光贊結寨於焦山上營壘皆石砌高數丈圍可六里許東有搖旗 北有摩旗臺雨洗後嘗出甲葉鉄鏃之類石窖中米麥至今猶不腐 全椒縣志

梳粧臺

皇城北苑中有廣寒殿相傳遼蕭后梳粧樓 成祖定鼎北京勿毀以垂鑒戒萬曆七年五月四日樓傾梁上金錢一百二十文云至元通寶則樓初於元初非遼時物也 張居正雜著

六相樓

四川達縣本宕渠故地洪武庚辰進士柳州曹嗣宗丞達縣修六相樓祀唐李嶠劉晏元稹李適之韓滉宋張商英嗣宗終廣東按察僉事

瑞光樓

鄞縣南二十里樑社元末永嘉高則誠明避亂寓於沈氏樓作琵琶記夜按拍而歌蠟炬二枝相隔光忽交合遂名瑞光樓遺址存

四雨樓

姑蘓廣福山周天球治園有四雨樓桃梨海棠各栽一面謂海棠濕透胭脂雨梨花一枝春帶雨桃花亂落如紅雨其右臨水對山曰珠簾暮捲西小雨

朝天宮
南京朝天宮古治城也後殿黃垣據高垣之上太祖嘗更衣於此俗傳堊其下非

鐵柱宮

南昌鐵柱宮東南隅方丈甃地作石欄鉄柱微露乃石身非鐵也陸儼豫章漫抄

雙魚宮

錢塘洪侍郎瞻祖游江西玉皇山寺見石盆中金魚八枚游泳必雙异而問僧謂僅四頭因登席隣觀果然平視又如前僧曰此名雙魚宮乃旌陽真人所遺仙蹟遊覽志失載

白塔

四川白塔初來安縣北六十里白塔寺路通盱眙有磚塔一座雷擊掣其末三層遺在泗州境伏虎山今存半塔創始雷擊俱不知其何年月

鎮河塔

涿州桑乾河中以有塔名鎮河塔嘉靖元年塔前內有古錢皆飛空如蝶自後河水不時泛溢涿州志

應州水塔

應州佛宮寺水塔四層六簷八角高三十六丈遼清寧三年田和尚奉勅募建塔後殿九間通一酸茨梁洪武元年四月八日塔頂佛燈連明三夜文皇帝北征幸其上題峻極神功後武廟巡應州題天下奇觀應州志

按佛法佛菩薩塔高十三層辟支塔應十一層阿那漢四層餘隨品級減之此八種塔並有露盤佛塔八重菩薩七重辟

支六重四果五重三果四重二果三重初果二重輪五一重
凡僧但焦葉火珠而已後世建塔不原佛制聖凡相濫純謬
至多

虞仲

太伯逃荆蠻自號曰吳從婦百餘家立為吳太伯太伯卒無子
仲雍立是為仲雍傳三世至周章武王克殷大封同姓封周
章于吳封其弟虞仲于周之北故夏墟列為流侯是為虞司馬
貞曰夏墟在河東太陽縣據志書平陸即古太陽縣至唐開元
始更今名其廟為太伯明矣或者謂太伯仲雍以次而傳至周
章是為南之吳虞仲始受周封于夏墟是為北之虞然則虞祖
虞仲曷以廟太伯哉曰不然武王大封同姓周公于魯召公于
燕叔鮮于管叔度于蔡及神明之後封止一國一祖而受二封

者惟于太伯見也武王之意以荆蠻吳夷其禮鄙俚不足事太
伯而報其德再封于虞得處先聖王之舊邦且適中畿之地得
用中國之典禮其於太伯之德庶幾乎報矣

姑女祠

明初夏縣王翰平
陸縣太伯廟記

平定州東九十里承天鎮俗傳姑女介之推妹也舊經云介山
氏之廟唐武后幸河東道出祠下惧致風雨欲開道以避之狄
仁傑曰一人行幸風伯清塵雨師洒道何姑女之避遂止其役
駐蹕祠下風停雨息

孟母故宅

榆次縣古城西南隅蓋孟子邠人其母并人也其地有三徙鄉

蘭交

榆次縣東南四十里相傳蘭相如所居故里當秋深地無霜五

穀登衍人异之

姜女手跡

曲沃縣西南三十里侯馬鎮南河西堰中世傳姜女托堰哭夫
手印于堰至今土雖屢傾遺蹟猶存

殘苦廟

介之推從重耳出亡追者甚急之推以其子林代死重耳入晉
之推妻及林妻尋推聞焚死于綿山俱投井死鄉人即其地立
廟祀之曰殘苦廟在曲沃西關外

瓜子纏

翼城縣東南五十里北陽阪下曰瓜子纏相傳老子食瓜處子
落皆成石瓜子其形宛然

大禹廟

鑄鉄柱名曰建極又鑄笠覆於頂土人號天尊柱歲貼金其上
祭之邀福

與言書院

去陳州百里曰互鄉介項城上蔡間今更曰潔已鄉立與言書
院

水廠

蘓州水廠十有六清兵始至問廠何為曰藏水者謂伏兵也焚
其五始悟

魚骨橋

海門縣禮安鄉以大魚骨作橋長丈八尺有奇元至正中潰入
江萬曆戊戌隨沙漲起呂四場民獲之廖令移建儒學前邑
黝黑有鉄釘痕毫無朽蠹 楊州府志

廣濟橋

潮州廣濟橋宣德間知府王源建歲權稅萬餘金

皇過此橋

崇德縣皇過此橋以宋高宗南渡過此故名見縣志萬曆橋北沈望雲伐竹得磚墓石刻宋寧宗姑墓駙馬黃氏益官人始知為皇姑子橋

倒流橋

當陽縣北漳水上倒流橋相傳曹操追劉先主張飛據橋大呼水為逆流魏人不敢迫承天府志

萬安橋

泉州萬安橋俗呼洛陽橋長三百六十丈萬曆丹陽姜志禮守泉州修萬安橋得石刻曰同節來修即公號也又鄞縣蔡錫

龍門大禹廟俗傳食豕肉詣廟必風壁畫精工與岐山周公廟壁畫並稱

泰伯廟

平陸縣泰伯廟

南岳廟

衡州南岳廟古松百餘株銅香鼎甚巨不可圍抱銅鐘重九千斤有大祭則鐘聲先振

御題祠山廟

廣德州北五里橫山張真君廟明初高皇帝南征過之題曰天下英靈第一小白雲為闕石為關將軍幸得未瞻此暫解干戈動笑顏

江神廟

湖廣魚鎮江神廟有神木江夏賀相國蓮聖歸楚木出於江蒼石挺拔鎖以鐵索

白起廟

武安縣西關白起廟正統間縣丞李昇以起殺降挾詐遂毀其廟

長平驛

山西高平縣古長平也耕人嘗得遺鏃如綠玉長平驛即元平章賈魯宅堂三楹梁柱俱桑木甚巨賈氏裔猶存

煖舖

都御史葉成巡撫宣府於沿邊孔道設煖舖即唐人邊舖也

鐵柱

雲南大理府趙州東南九十里白崖城蒙氏建極十三年四月

永樂癸卯鄉試入胄監仁廟以學行授兵科給事中出守泉州欲修萬安橋發石刻曰石頭若開蔡公重來檄海神遣醉卒自投於海若有神擊之者俄易書一醋字必八月二十一日酉時也事載錫家傳中今廟像皂服行人過焚草履一鞞福州臺江大橋長百餘丈

仙橋

雲南白崖川獨木橋十餘所木大如指長三尺或五六尺巖險不敢着足樵人捷足過之亦不損折其木非常見之材每望夜一易不知其因明日但見新製曰仙橋

楹帖

直也如弦縱道邊夫復何憾此而得獸雖丘陵亦奚以為 頤清
靜亦靜動亦靜五臟克消夫慾火榮亦忍 平生不復履

於危機翟奎

徒有寸丹於帝闕竟無尺素達權門翟鵬

堂上雙親壽朝中一品家嚴訥

無毀無譽三代直道而行知止知足四時成功者退申時行

財不求贏敵為子孫益過位嘗踰分當思齒角難兼陸光祚

節義重丘山始不渝終不渝功名赴流水寵不驚辱不驚嘉靖

三十二年沈丘教諭陰符鵬

世多君子扶皇極天放閑人養太和鄭伸

偶爾謝天上富貴歸來作平地神仙中丞王璣

頭上青天一點浮雲淨盡庭前白日五更夜氣流行訓導楊傳

天無私地無私日月無私風不出雨不出寒暑不出沈思孝

得音嘗自笑無音使誰知鄧以讚

凡事再思斯可矣與人三友何難為都諫武安宋之韓

洋水樂饑讀天下書不談天下之事康莊擊壤生聖人世願為

聖人之氓朱鴻謨

出入起居得罪天地時十常八九子臣弟友可對聖賢處百無

二三吳先生寓梅日乘

見故人而一笑自有餘懽念平生之百為亦無可恨李廷機

居深山之中隨俗所使生聖明之世與天者游鄒元標

少作書生未見升堂入室老為廟祝粗知掃地焚香李贄

養其氣以剛大尊所聞而高明李騰芳

試看塔前皆樹玉莫嫌腰下未橫金

天上圖書分冊府雲中鷄犬半仙家王思任

誤攻文字身空老起販魚鹽計已違陳元素

人前屋漏日裡鷄鳴

每思於物有濟恒愧為人所容

陳龍正

自拋官後睡常足不讀書來老更閑

祝以勳

質在能還雅菴成可讀書

先存一府君

鉄牛碑

濟南府儒學內有碑高三尺刻曰鉄牛碑之旁地露鉄錐不五寸就側四掘終如故或曰鉄牛鎮七十二泉者

宋文貞公碑

沙河縣宋文貞公環碑斷沒土中正德丁丑縣令方思道冶鉄

二百斤貫而續之今存不甚剝蝕

毛文龍碑

平遼總兵官左軍都督同知毛公功德碑天啟四年七月朝鮮

立奮忠贊謨立紀明倫靖社功臣輔國榮祿大夫兼議政府左

贊成判義禁府知書筵春秋館成均館事弘文館大提舉藝文

館大提舉金饗撰通政大夫行曹叅議李瀟書崇政大夫行兵曹

判書兼同知成均館事金尚容篆嘉議大夫平安道觀察使兼

兵馬水軍節度使平壤府尹巡察司李尚奇立石

碑文不載銘

曰噫：往歲羯虜造 聳我清邊鯨吞豕突急莫之遏壘土無

堅全遼右壤彌難搶攘厥墟 羶公時憤切忠膽激烈齧牙張

拳獨立一叫揭義為號趨者爭先冒投曷倚俾賊頽忌以掣以

宰謂我共濟克協大計鷓首東偏獲醜復鎮軍聲始振天討行

焉出入遼瀋形格勢禁固或恣前恫疑縮頭不敢西逞閔防賴

全瞻彼椹島洪濤淼漾處得其便洋洋安帖履坦不貽就堯如

天激以忠義其歸如市累、連、日公父母開口望哺餘喘其

綿匪公是任吾其左衽長城屹然得人死力功章寵錫褒詔頻
宣神旗豹尾以陰間寄節制其專大業未了際見其效四海望
延吾言不失有特史筆有賁凌烟撫實載石先最其績於其傳

木碑

興安縣岑山右魚峰之仙岩寺有創修木碑係天順七年其報
樸如古琴其文剝斑斷連亦如古銅琴文錢塘黃汝亨貞父
云目中所未見

定霸城

保定有定霸城宋楊延朗所築金時以其碑他用獨其土存嘉
靖中霖雨潰其西北得人骨數十具植立土中髑髏各戴兜鍪
旁持兵仗石刻云活築惰工百戶徐瑾一行兵役見者竦然長
安客話

軒轅陵

平陽太平縣東三十里上魯村東汾河內有石棺以鉄束之隱
現不同世傳以為軒轅棺云

顓頊塚

晉初烏程得顓頊塚又衡山崩見顓頊塚中有營丘圖九首鳩
杖見顏真卿石柱記濮州東北相傳顓頊建都於此有帝塚
故名

鯨墓

鄭城縣東北七十里羽山即鯨鯨處有墓

禹陵

會稽城南數里禹陵窆石高六尺形如權堅栗青色而澤有白
脉隱起甚細如絲絡偶撼之則動而不可拔也今戊子夏毀於

盜三千年神蹟頓失其重聞者惋惜

唐堯土階

唐堯土階故里在臨汾縣城南十里帝姓伊祁氏故里名伊積村築土堡宛然茅茨土階之蹟唐堯氏陵在臨汾縣城東七十里部行里俗謂之神林又謂之神陵高百五十尺廣二百餘步旁皆山石惟此地為平土深丈餘山後有河一道俗呼陶唐飲馬泉有金泰和二年碑記相傳唐太宗征遼曾駐蹕此山因謂堯陵遂塑己像明嘉靖間知縣趙統重修陵東原祀丹朱而祀唐太宗統撤太宗像每歲祭丹朱祔享升堯諸臣之上竊嘗攷舜巡狩于湘其陵在九疑禹會諸侯于塗山其陵在會稽惟堯之巡狩不見經傳此陵為堯陵相傳自古無疑也然明初詔下訪歷代帝王陵墓山東平州有以堯陵聞者至今載之祀典

而在臨汾反遺何也豈昔之搜訪未至耶抑詔下之日而臨汾尚屬元耶邢雲鷺臨汾志

堯年十五封唐侯二十登帝位壽百十有八歲帝王世紀云堯

葬濟陽城陽西北是為穀林呂氏春秋曰堯葬穀林皇甫謐曰穀林即城陽堯都平陽于詩為唐國由此觀之城陽即今之平陽也濟水出王屋山在平陽東南今之城陽晉尚屬平陽郡雖去平陽郡百餘里而臨汾東元村所出有澧泉至今相傳通濟源茲言夫豈無據况濟多穴地伏流千載而上陵谷代遷焉知堯之時臨汾非源耶今堯陵在臨汾東南視王屋山實合古之城陽西北古曰穀林而今堯陵俗名為神林尤一驗也後人乃謂山東平州濟水在焉而遂以堯陵名何耶

關龍逢塚

安邑東北三里有雙丘相傳夏大夫閔龍蓮塚土人云閔雲長
其後裔云

齊桓公墓

崇德蔡新令臨菑縣夢貴人緋服傳驕而至揖曰公行去邑當
以東壁遺金贈公晨起解舍東廡北坎其地增礮中空如下天
狀掘石版曰齊桓公墓規制深廣石室若王者之居屍色如生
器具皆黃金旁金山銀山各一蔡取其山燈缸將滅為漆油加
築不三月罷官崇德縣志按史記桓公屍出於戶安得云屍
色如生也其厚葬或有之

衛靈公墓

相傳衛輝府治後衛靈公墓古有紫金碑雷轟之又觀城縣東
南四十二里高宛縣東北二十五里亦有墓

雙娥堆

蘓州承天寺門外雙娥堆為吳王夫差愛姬從孫武子學兵法
為長隊笑而見殺此其墓也東北小池衛不過二丈長不過五
丈乃錦帆淫故水偽吳張士誠所浴

李牧墓

平陽太平縣西五里孝子村趙將李牧墓其子李崇廬於墓側
稱子墓

陳仲子墓

長清於陵仲子墓張令文龍命徹孔廟大羹一盂及粢粟享之
長清縣志

介林墓

介之推子林墓曲沃縣南三里河底村

王剪墓

王剪墓富平東四十里每六月朔望墓若海市狀城郭依然車馬交錯閨中塚墓記

鄭玄墓

臨晉縣三十里至今荆棘不生狐狸不穴

青塚

荆門州青塚土人哀昭君招魂而墓因名實在大同城西五百里古豐州灘西六十里

孫嵩墓

安丘縣南四十里孫嵩墓元人于欽作齊乘寓宿太虛宮夢趙先生入謁曰聞君修齊志僕有良友墓安丘其人節義高天下今世所無也請載之以勵衰俗欽覺而語梅仲昇以為鄉人趙

伯善共訪之伯善愕然及閱趙岐傳始悟為孫賓石也齊乘

嚴子陵墓

尉氏縣東二十里蔡堡有嚴子陵墓

司馬遷墓

韓城縣城二十里芝水之南西麓有漢太史令司馬子長之墓墓有古柏墓土嘗開土人見柏根懸其棺因磚封焉子長自序云五世皆葬高門今去芝水數里又西北五里姚莊村有蘓武墓三柏俱南向

高陵

蘓州盤門三里武烈皇帝所葬孫堅曰高陵妻吳太夫人子長沙桓王策皆附焉元至正二十三年崑山盧熊公武與同郡沈徵君伯熙父訪之徵君因言予向過此聞父老言地屬沙湖金

氏墓上有木如蚘乳龍然每陰雨若見物操舟蕩漾之狀人或逐之不見尋伐樹掘地得金船長二尺許其恠遂息

黃耳塚

松江府治南七里普寧尼寺有晉陸機黃耳塚機入洛有快犬為傳家問後死人義之埋此今殿西北隅有土隆起古木盤覆即其處也 明袁海叟詩恭養有恩終不背交游何事獨相欺

郭璞墓

唐乾符間衡州刺史李穀置砦龍山得二石長六尺許取置天會閣前宋淳化間郡守慎知禮移植于此積土為峰歲久遂訛傳為郭璞墓有傳璞言五百年後太守為吾守墓紹聖中郡守孫賁知非璞墓發之得二石移置堂中宣和郡守高至臨復移歸故處相傳峨眉山正對府治不利于郡故置此石以壓之因

培土為峯而名以小峨眉云田藝衡傳

太原瓦券

萬曆元年會稽倪光簡塚地中掘得杯及瓦券曰大男楊紹從土中公買塚地一丘東極關澤西極黃滕南極山背北極於湖直錢四百萬即日交畢日月為証四時為伍任太原元年九月廿六日對共破九剪九民有私約如律令 王若堂集按今墓例買土立券古人已然矣

張賓墓

內丘縣南十三里趙張賓墓周圍皆鉄高三丈餘廣十餘畝石勒厚塋以報賓也

李太白墓

當塗李太白墓有祠常如筆竹葉皆有金星

寶峯寺古墓

弘治癸丑春泰和羅鶴子應讀書城南寶峯寺見司禮少監胡善治掘寺後山得古墓有墓志僅元和四年四字明白棺槨俱無惟脛骨尚存其長過今人十三古人多長大者後世氣薄故生物短小

南漢劉氏塚

廣州城東北亭洲有土穴耕人梁臺過之投石空之作穀乃納以雄鷄夜鳴知無恙於是發之數金人各重十五六斤正處金像二冕坐若帝后各五六十斤地若金蚕珠貝藥之鏡一光照白日硯一硯池玉魚游動他珍異亡筭先携鏡歸光動隣舍急碎之鄰人覺而爭往遂聞官盡搜取之內棺掘毀稍存骨齒墓碑隱隱可讀南漢劉氏塚也陳子壯練要堂集

瀧陵阡

吉安永豐縣有瀧陵阡即歐陽公墓祖父處國朝間忽失其處落廣信永豐縣人恠之後又還吉安永豐縣時有謠曰吉永豐移廣永豐永豐二字適相同人民城郭依然是只少當年六一公

蘓文忠墓

河南邙縣蘓文忠文定二公墓文忠卒常州嘗愛邙之山移葬此後文定卒亦葬焉明萬曆甲申有盜發之縣令濟南張篤行加封樹焉去墓半里有廢塚石半露按之則文忠之曾孫婦亦掩之俄夢文忠遣青衣致謝問文忠何在曰臨汝至彼可相見也後篤行以事至臨汝會得先生墨蹟一卷大异之恍晤前夢石識其事邙縣志

蕪穎濱先生子遵守婺州愛其山水因家焉塋穎濱衣冠於蘭
溪之靈洞山遵子簡侍郎簡子林今其家藏穎濱遺墨及四代
告身

琴操塚

臨安縣玲瓏山琴操塚殘碣東坡居士書萬曆十七年被發

方臘祖墓

嚴州響山前為獅象石方臘祖塋處後毀其石

鉄棺

泰興縣南華廢寺有鉄棺長九尺二寸前濶後狹相傳宋建炎
間薛慶嘗遺其徒撼之中有物相觸鏗然聲以鉄椎擊數百不
損鼓鞞浴之不液乃止 揚州府志

劉刺史墓

義烏縣南東平山有宋平昌刺史劉公墓隆慶戊辰長至日裔
孫尚恭重修墓碑極數尺見墳墓：上有碑方尺許刻晦翁卜
墓數云天聖戊辰塋此丘蔭十八紀出公侯子：孫：垂不替
繩：武：永無休五百四十一年損十六七歲裔孫修戊辰戊
辰新一石重修重修千八秋秘書郎朱熹書刊石呂祖儉為之
記：難具載其要云右數八句為卜劉公之墓天聖六年十月
三日卜塋東平山先堂之原公諱豪字有開裔出漢光武封太
孫於烏傷國除因家縣治南遂為烏傷人逮晉寧公萬章始為
王官唐曰珮者翰林學士南門劉氏非他族比公以文學遷平
昌刺史致仕曾孫煇燁同登乾道進士第游東萊晦菴二先生
之門故晦菴卜其祖墓之蔭有裔衍家昌千載之久予因識大
畧而納墳臺上以俟後日之驗云按天聖戊辰至隆慶戊辰年

教良是而長至又恰戌衣仍孫劉公仕龍在宋贈武節侯修墓
孫果十六七歲吁教亦奇矣義烏縣志

黃元菴墓

山東陽穀縣景德鎮有黃元菴墓其墓靈異土人患瘡毒挿花
於墓祭之即愈中河志

蕉花女墓

長清蕉花女塚女最孝母疾思麥時未登女向麥泣移時麥黃
奉母得愈今塚旁麥先稔田畔有御製碑上書孝經長清縣
志

張王墓

福建興化縣丁溪草壩間有張王墓相傳張士誠父沿海民竈
咸以正月望前聚禱因而彼此構鬪勝則一年大利即至死傷

母許告許近有司嚴禁之稍戢

孫一元墓

孫太初墓上有挂瓢堂墓碑李夢陽撰劉麟書

鄭曉墓

海鹽鄭尚書墓在勾塍山先是尚書執法削籍其塋從庶人禮
隆慶初復官贈謚終不改其舊予嘗拜墓下歎先輩素風也

邵澗古墓

壬辰春海鹽邵澗山祝氏完後有積土坎之得古墓各磚刻曰
永安六年歲在癸未九月十日造碑日造五官即中山義尉丹
陽楊磚面俱有雲雷紋穴頗深廣左右有羨門予往訪之始
徵古製

虛糧塚

新野縣東三里近衛河邊亂塚相連數十傳聞前代屯兵之所
曰虛糧

器用

硯

王官谷西山有秦王硯硯大如碾盤無口下如尖底磴春秋秦
敗晉師於王官谷時所遺者司馬圖記見呂東野涇野集

潁州東六十里古夷陵也舊志古列國之君丘壘土傳夷陵縣
掘地得磚作硯堅潤潁州志

俞侍郎士吉奉使得硯上篆永樂二年旁書海東瓚磔說楷

古鐘磬

太原交城縣西南汾水上金大定中汾東山岸崩得古墓有鼎
十餘鐘磬各數十鼎大者幾三尺凡十有二其中寶物猶存鐘
小者僅五寸許大至三尺凡十有二蓋音律之次後世之制以
厚薄而此以大小其制度皆周器非秦漢以後所作今器不存

而墓址猶在

琴

高陵魏氏唐鄭公之後藏有道琴後訟失之 呂涇野集
禮科公署有書室琴懸壁間係舊物 李樂見聞雜記
正統末籍太監王振玉琴長三尺餘

四明沈嘉則豐對樓詩集云吳仲足携族子德望所藏銅琴示
我為賦銅琴篇

青銅合體黃金相軫以白玉排雁行絲彈蜀繭啼鳳凰誰其作
者古帝王按圖攷識題大唐璽文雙篆鳴玉方玄宗協律精宮
商豈當在御樂且康伊昔抱至置我床青天拂匠開錦囊白日
倏忽相低昂翡翠照燦琉璃光丹砂點漆流星芒纖指觸絃響
嗚：蒼梧飛雲顏不揚見者黯：頽而長延陵考國推太章商

孫寶秘什襲藏明珠大貝俱尋常荒墟對磧經千霜鬼神呵護
不敢傷天地不得閱厥良復使人世窺虞唐我欲薦之登明堂
九原誰再起師襄夔孔同室國祚昌皇帝萬歲永無疆

仙針

蒼梧人梁大用遇异人授以鉄針三枚并針灸書遂為名醫永
樂中郡守羅觀訪其子孫得一針以進於朝

鉄塔鉄鑊

當陽縣玉泉寺鉄塔鉄鑊俱隋物 青州城內 寺三鑊大
者受四十石次受三十石有釜受八石似甕而有耳寺原孟嘗
君宅

金斧

臨潼縣南一里驪山綿亘而東五十里有金斧山石罅中有金

斧抵之則動取之不出

石杯

青田縣五色石杯巧工琢造歲應上官不啻千百民甚苦之古
人拔茶樹桑以茶且累民况石杯於器無益有一製必貽一害
在司牧者念之耳

鐘

大名府譙樓鐘云魏太武物守潔則敲宏否則咽滯前守惡之
棄置通衢且半裂樂護蒞任適旱祭而懸之扣之不揚護不憚
夢大眾誼于鐘所乃再扣之敲宏裂處尋平

正統中河決滎陽東昌水中大鐘二范縣令鄭鐸得其一款識
承安四年
曹縣城門四各有鐘相傳鐘懸則大水遂寘之崇禎戊辰四月

盧令柱礎不聽盡懸之果大水乃撤曹縣志

歐陽修歸田錄太常所用王朴編鐘皆不圓而側垂後胡瑗改
鑄編鐘遂圓其形而下垂扣之掩鬱而不揚今見南京神樂觀
編鐘形不甚圓

鼓

鄆縣東鄉金尚書忠故居石鼓二萬曆乙卯石中如虫噬鼓翻
視之石多蝕搜得石蟹一蟹足尚動觀者異之

成化初韓襄毅南征大藤峽賊斬峽之大藤中空鞞革為鼓
置於府前敲甚震丘兵使其移于行臺扣之無聲歸即如故

園花鐸

崇禎元年四月湖廣通山縣三都水衝出古銅鐘重十八斤周
製也有園花鐸三字聲極清遠

唐鏡

唐鏡背有字云花發無冬覆臨臺曉夜明見鄭以偉山上山稿

辟塵鑪

錢唐縣西山龍井寺辟塵石鑪不知所自來今失去

張三牛食器

張三牛嘗居潁州迎祥觀遺像一食器一容斗許暑貯而不腐混元衣一久而如新好事者易其頰輒敗冠一頂古有摩雲態潁州志

天啟改元

魏元法僧 蕭莊南詔晟豐祐先已用之又太和舊志元至正戊辰紅巾徐壽輝陳友諒陷江西下吉安太和稱天啟則天啟之號前代已四見矣

銅法馬

萬曆間泰和人掘地得法馬形如月鑿十字重四斤天啟三年造背鐫吉安路郭尚書子章故梁王琳立永嘉王蕭莊稱帝改元時不稱吉安亦不稱路自元始豈天啟間造法馬至元始續刻吉安路耶

貢金

楊升庵滇畧曰語云金生麗水今麗江其地也其江曰金沙源出吐蕃經鉄橋寶山永寧北勝以達東川江澌沙泛金徒雜之質民淘而鍛焉日僅分文售蜀賈轉諸四方其稅屬之士府漢不得有也朝廷歲貢滇賦金五千其值可回藩緡皆蜀賈有力者先期受直于官而走四遠裹入之間有逝且死者累及姻族析楊累、至於黔巫瘴癘十死一生又不具論也

雲南銀礦共六十有三置場委官歲約二萬緡然脈有盛衰課
隨盈縮

窖金

薊州獨樂寺額相傳李太白書萬曆間重修得窖金上覆以錢
石刻唐安祿山物並入官

銅冶

海內銅山四百六十唐鑄於陝宣衢信銅冶九十六宋鑄於諸
路銅冶百三十有六歲課至五百四十九萬貫韶州永通一監
歲造八千萬貫

紫石英

諸暨縣東五十里烏帶山產紫石英嘉靖中縣令黎秀命父老
凡上官來取者皆引至他所使無得因呈曰合浦之珠以吏貪

而徒暨產石英乃自本職到任教採無得此不職之效也採者
以息久之遂迷其處紹興府志

鐵獅

滄州鐵獅周世宗北征契丹駐此地有罪人善治輸金鑄獅鎮
城贖罪高一丈七尺長一丈六尺夜被州人捶去尾腹鐵至今
缺之

銅獅

雲南都司公署前大銅獅二極瑩淨無點班

關將軍印

景泰中安州二田夫得古金印曰壽亭侯印知州楊集上於朝
南宮集

弘治間都憲河間張汝器

開漕河於揚州得古印四一壽

亭侯印一鎮江府御前任劄都統制印一鄂州院內觀察使印
一都巡檢使之印皆蟠螭紐制作古雅程篁墩敏政過淮陰汝
器質之曰韓世忠嘗為鎮江府御前任劄都統制岳飛嘗為院
內觀察使都巡檢使亦宋官

萬曆末烏程沈相國淮得漢壽亭侯玉印印中空可貫紐下刻
關羽之印玉質蒼古捨西湖孤山廟中嘗見之

遺璽

宋徽宗崇寧五年倣秦璽虫魚篆作璽方四寸有奇蟠紐方璽
上員下方名鎮國寶

天啟四年九月四日磁州東八里臨漳縣務本村漳河北岸田
夫邢某見岸崩得玉璽以呈河北道張夢鯨重百二十兩方各
四寸面厚一寸二分蟠紐高一寸八分篆受命于天既壽永昌

是璽與至元所獻不同豈徽宗十四璽之一乎又熊紳所獻陝
西璽亦同

木牛

成化二十一年戶部左侍郎蔭慶李衍總督陝西邊備兼理荒
政發廩賑饑作木牛取牛耕之未耜易製為五曰坐犁曰推犁
曰擡犁一抗活曰肩犁可山耕可水耕可陸耕或用二人多則
三人多者自舉少者自合一日可耕三四畝作木牛圖布之

遺印

永樂間應州掘地得金城縣印應州本漢館陰縣後改名金城
縣今儒學舊縣治也

天順七年得行軍萬戶之印

成化六年蘭陽縣得宣差副總兵之印尚書戶部郎中之印皆

鐫夫興六年行宮禮部造

弘治十六年河南府得銅印三百於壞垣俱元物詔毀之

正德末銅城府得勒金長官司印篆文八畫

嘉靖二十年廣平府推官王克日替民於清河縣浚城濠得古

印六篆文可識者二曰都將鎮印曰達魯花赤之印上之巡撫

藏於庫

隆慶三年六月豐潤縣掘得玉田縣稅課使印

萬曆二十八年隆慶州永寧縣人築墻得古印為金左丞完顏

綱物綱與元人戰於縉山敗績失之見金史

崇禎甲戌南昌得統軍元帥之印謂太祖物推官李嗣宗以

太祖初稱統軍右副元帥見皇明通紀非也予按龍鳳 年丙

申三月我克集慶徐達湯和為統軍元帥二公並至南昌必其

所遺

戊寅三月十四日滋陽縣浚井得管軍萬戶府銅印旁鐫中書

禮部造

龍鳳五年六月又薊州得古印

己卯十一月甲戌固安縣甃井得鎮遠軍節度使銅印背刻宣

和四年十一月少府監鑄

藤船

南夷船俱縛以藤用松膠和漆塗之永安州歲辦松膠若干張

岳文事紀聞

空青

空青是黃石子大如拳諦視之膚裡沉：有青色匠氏以金剛
錐之滴翠水如漿平湖沈長水太史見之

荒銀

南夷中多用荒銀

琥珀

萬曆甲午詔雲南布政司取琥珀二百斤一時騷然永昌府帑
舊貯二十餘斤以上供搜括數年竟不能充而止民破家亡等

祖母綠

孕婦吞祖母綠易產仍出自兕子山陰白洋朱氏驗之

青鳳子

青鳳子狀如鶯石色甚青瑩婦人佩之能令好顏色新安楊不
棄得之水濱中易以千金內為禁中寶重

蓬萊閣石鏡

登州蓬萊閣石鏡遇形畢照崇禎壬申孔有德兵亂經火稍晦

近聞復明

緬鈴

緬鈴相傳鵬精也鵬性淫毒一出諸北悉避去遇蠻婦輒啄而
求合土人束草衣絳衣簪花其上鵬踴之不置精溢衣上採之
裹以重金大僅如豆嵌之於勢以御婦人得氣愈勁然夷不外
售夷販之始得滇人偽者以作蒺藜形裹而搖之亦躍但彼不
搖自鳴耳滇程記

榮植

古木

通都交區巨材連抱匠石積睨其下十不壽一谿谷味深壠坻
畏阨木雖專其年民無得而稱焉亦未始^非幸也今採之往牒據
其見存者或病以漏萬固所不免矣

北京

京師皇城内西苑之高立殿古檜一松四並金時植嘉靖中封
松指揮使其俸米專飯孤貧。

皇城面顯靈宮之靈官祠古柏二雷披一枝折而不殊二百年
蔥_二焉

國子監古松並元許衡植

京師外城天壇柏榆錢凡榆春錢天壇榆之錢以秋

山川壇偃松以風拔橫枝距地不三尺楮以木人通行其下
內城成國公朱氏園右堂古槐云四五百年物身大于屋半間
頂嵯峨若山

極樂寺別牙松數株斑剝若鱗大可七八圍
萬壽寺松高數丈大合抱

外城大慈仁寺報國寺姓松二其右尤奇幹數尺枝橫數丈
外城左安門外常公寺西府海棠二樹高二尋游人最盛寺南
觀音閣蘋婆一枝高五六丈花時鮮冶

京城西北十里靈通觀古柏一徑大十圍

京城外二十里承恩寺戒壇松二古樞天矯過報國寺

大功德寺古木數十章半朽腐大可七八圍

石經山石壁古柏一長尺有咫根無寸土萬曆初上過之御

書靈根古柏

盧師山清涼寺隋仁壽中盧師自江南來居崖下崖上一柏產
石面長尺不凋榮是盧手植

西山妙高峯下法雲寺銀杏二大數十圍

香山鮑家寺有松十株皆數百圍

壽安山臥佛寺古娑羅樹二根盡出纍纍露筋右抱三人有餘
仰山陰恩寺松一

潭柘山京城西北八十里潭柘寺諺云先有潭柘後有幽州則
潭柘最古矣今枯柘長不能丈其枝晚發後凋者也柘枯而不
朽

昌平州天壽山古槐相傳竇禹鈞家物樹中榻可布三四席今
稱竇家槐按禹鈞周之諫議大夫也故居在薊州城東而此槐

係之竇氏莊或其餘喬耶

薊州西北盤山東崖古松一

平谷城東延祥觀柏不知所自始元至正丁亥真人丘長春至盤山過觀中見枯柏曰憐惜憐惜去後柏仍葉茂至今焉觀東

北十五里漁子山世傳軒轅氏陵或曰軒轅臺

房山縣北馬鞍山松二其枝覆十餘丈

涿州西南十五里樓桑村漢昭烈帝故居道右大桑高十丈層蔭如樓其蔭百畝其椹為珍饈桑側古廟唐乾寧五年立並列

關羽張飛像先主王者服張飛亦涿人城西五里有張氏洗馬

潭樓桑村南三里薊亭薊道元故居也

靈椿寺椿其影每日中天雖日月東西略不移動

文安縣城東靈集寺後古檜並峙云漢人所植

保定縣柏塘有古柏數圍倒植河中如橋砥渡迄今名柏木橋

任丘縣北三十五里莫州城又東北三里扁鵲墓有古樹數株

寧津縣北三十里曹氏莊藥王廟前大麻子樹不知植於何時

嘉靖七年居民伐樹掘地下得石刻云迤南大麻子下斬蘆剛

劉蘆頭子也樹自戰國時已有之矣

行唐縣西北三十五里柏山古柏大數十圍柏上鉄環相傳竇

建德椽以繫馬者

鷄澤縣儒學一槐有兩株末合為一幹或以為連理

清河縣龍王廟左右古槐枝幹曲卷下垂其地若龍爪狀人謂

之龍爪樹宋太祖嘗避暑其下解衣覆上其性遂下生有患少

輩利其材而伐之斧斤方加而疾作遂止傷痕赤津淋後斬

處根葉繼生成樹無復龍形矣今堂與樹尚存

遼東廣寧衛醫巫閭山有北鎮廟柏甚古

陽和衛有武宗手植苑

萬全都指揮使司龍門衛城西十里大松山有古松永樂中駐蹕其下
開州 古桑園可十丈云三代物

南京

皇城西華門外舊丞相府有五穀樹一株兼五種為五穀豐歉之徵其年麥熟則樹發麥芽黍熟則生黍葉五穀皆然

魏國公徐氏西園括子松元時物

永慶寺即铁塔寺古梅唐時物

鐘山西徐達墓有松一旁結大毬如瓜最奇絕

石灰山百法寺法堂前有奇樹

弘濟寺府東北四十五里娑羅樹二永樂中太監鄭和携自海

外

牛首山弘覺寺文杏一唐懶融大師手植園可二丈經火猶活

山東北鄭太監墓紅荳樹

祈澤山祈澤寺攝山樓霞寺各文杏二六朝時物俱數人合抱

溧水縣東南三十三里仙杏二其巔有杏林及仙人跡

句容縣茅山有許旌陽手植檜

薊州閻門外三里半塘寺銀杏大五抱新安潘之恒曰龍樹

陽山晉柏一幹如龍鱗大四圍

光福山山茶一圍可六尺

銅井山顧氏園寶珠山茶一可合抱 司徒廟古柏二又

文杏 其一圍三人

洞庭山角菴山茶一蔭畝餘四季秀發云甬里先生手植又黃

家堡古桂

常熟縣虞山致道觀七里檜梁天監中張道裕道裕十二代孫手植今存

其三其雷震風劈者尤詭異餘皆後人補植

華亭縣北二十五里余山五代朱承進墓有垂絲柏一株甚巨

華亭縣北禪寺宋時回先生過之手植樟於雲堂去後數年

樟瘁回復造為問樟公何在取瓢中藥一丸瘞根下樟復榮葉

俱顯瓢痕始悟呂仙也

亭林鎮縣東南三十五里陳侍郎頤野王故居墨池旁古松云

野王手植

鍾賈山壽安寺陳氏墓垂絲檜二徑餘四尺崇鬱壯茂蓋數百

年物

上海縣西北十里靜安寺陳朝植雙檜於殿前宋政和間媚臣

朱勳圖以進徽宗欲携之暴風雷忽碎其一今殿右尚存元成

廷珪詩香骨自來生左紐苦心未忍棄前朝

明心寺縣西南六十里古檜二宋元豐間植

江陰縣西三十里申浦季札墓有巨樹三人合抱產果曰雞距

子以形似名也止此一本又揚州寺一本餘天下所無

宜興縣保安寺垂柏連數抱而中剖

玉女潭縣南三十五里張古檜一株根柯鬱蟠礪砢如石唐獨

孤及詩曰思瓊指此

善卷寺縣西南古檜蕭梁時物

鎮江府城西南七里招隱山招隱寺銀杏樹圍五人云齊梁物

丹陽東北三十五里徑山寺銀杏圍七人相傳晉時植半枯半

堅遺子所生小林從中挺出亦已盈斗

揚州府城隍廟銀杏一當門圍四尺

興化縣木塔寺黃梅初治殿賈人以木筏載梅植殿旁胡僧坐

其下忽不見殿成梅日盛偶一占年東盛則上河豐西盛則下

河豐俱盛俱衰亦各驗雀啄則有虫鼠之耗

通州治西為靜海廢縣之遺址有文杏數章大可四圍

淮安海州大海中大松相傳三代時物其狀奇異

休寧縣西南四十里白嶽山宜宮古松一直香爐峯又石門一

楠其大數圍

寧國縣廣教寺柏黃蘗禪師所植寺有异行僧樹即開异花數

色

銅陵縣五松山舊有松一本五枝蒼鱗老幹

蕪湖縣儒學柏宋寧宗時植

滁州瑯琊山城南十里歐陽文忠祠西一梅云文忠手植又瑯

琊寺舊開銀杏大數十圍高十丈 豐山滁州城西南五里太

僕寺公署雙柏大十圍高數丈

全椒縣西北四十八里龍檜山有檜如龍形因名之

蕭縣東南六十五里天門寺有天枣花實如酸枣可食每四月

七日其實皆熟次日遂空

山西

太原縣西南晉源神廟有古柏桑皮黛綠云千年物

代州城西四十里斷影樹漢文帝當迎立時猶豫不决遂日將移

臥于樹下日過樹影不移今樹已朽而其地建白楊廟即此樹也

夏縣城南二十里柏塔山古柏千株有一柏 琦瑰磊獨大牙

衆稱曰柏母 如意里戒定寺古柏一其身五圍根盤八圍上

九枝俱健龍形中空處生一槐大兩圍枝屈曲如蛇盤旋于柏枝九龍之上

五臺縣五臺山之圓通寺去三珠泉百步有七寶珠樹高二丈許幹上七枝復合為一垂葉四下

代州東北五十里墓側有古柏五十餘株名郅都柏

趙城縣東八里媯皇陵在侯村松柏圍二丈餘者百餘株媯皇

廟前古柏喬偉內一株于幹中寄生一木大如臂俗呼為時節

樹柏貫四時被獨隨時發謝觀者奇之

猗氏縣城東北二里仁壽寺大柏四株都御史何東序扁曰萬

古凌霜

稷山縣東北十五里高渠村古柏一大七圍蔭臥許有力者每

欲取之輒有龍蛇雷雨之變

蒲州東南三十里首陽山伯夷叔齊墓古柏二其一丈二十圍

高二丈餘次殺三之幹上交相倚

聞喜縣儒學相傳為高桐宮地古柏十數株其大連抱其枝扶

踈多癭其葉細而稠大異凡柏

霍州東南三十里霍山中鎮神廟古松數株高數丈枝東向槎

枿詭恠如青幢鉄幹

沁水縣東九十里礪山大雲寺白松三圍二丈明評事常倫

題壁宿此非一夕游此非一朝山僧頗解狂夫趣時儲斗酒來

相招殿前長松十圍大我欲絕粒棲雲巢此詩不見集中

大同左衛古帝宮老榆盤昂日藝日茂根無所繫挺生于大鉄

爐之上相傳為神榆

汾州府治西仙槐樹久朽如刻舟金皇統中有异人出貨藥投

樹復活因號仙槐

大同渾源州恒山之紫芝峪古榆數千章其最大者名雙離樹相傳張果老所繫榆也

蔚州北三十里蜚狐口兩山分張皆北向右總無膚有青松高不數尺產其骨

應州城南小石寺古龍松合抱平頂色極蒼翠相傳異僧手植蓋唐宋時物又城東南文殊寺有古松霜皮蒼翠枝幹如龍

嵐縣北四十里雙松山上有雙松 平定州西二十五里上有古松 下巨石盤踞數丈

靈石縣東三十五里綿山介之推與母隱此文公縱火焚之不
出同母抱樹而死其樹名黃節惟此山獨有大小俱半榮半枯
後人即其地立廟祀之天旱禱雨多應宋神宗封為繫惠侯近

林人家清明節三日不敢舉火廟中有牡丹數本枝幹碩大不
知何時所種每開時花皆紅色惟白花一朵開無定處土人密
識其枝明歲即易他本人以為神不敢輕折春時花開四方觀
者不遠數百里

山東

長清縣東南九十里方山靈岩寺古柏漢時物三人圍之不盡
泰安州北五里泰山御帳坪北一松奇詭元方煥題曰處士松

宋真宗駐蹕亭松二秦始皇避風雨其下封五大夫者也生
石隙中不甚大幹膚龍鱗是千年上物 東嶽廟文杏一圍三

人中空木枯枝葉蔽芾廟左漢柏五漢武帝時植四皆連理其
一最巨 延禧觀唐槐一大如文杏亦中空半枯

新泰縣門內靈槐元省縣入萊蕪而枯後三十年復縣槐榮

曲阜縣西北八里孔子墓孔子手植檜在廟門北高五丈餘圍
丈有三尺晉懷帝元嘉三年枯歷三百九年隋恭帝義寧元年
復崇歷五十一年唐高宗乾封二年又枯歷三百七十四年至
宋仁宗康定元年復崇金宣宗貞祐二年兵火漸盡歷八十二
年元世祖至元三年芽於東廡顏址間 明洪武二年己巳凡
九十二年高三丈餘圍四尺弘治己未被焚今直幹含生不朽
不摧 子貢手植楷高四丈五尺圍一丈今枯株堂中樹干數
皆異種相傳弟子異國人各持其方樹來種之不生荆棘 縣
東二十里防山顏子墓石楠二丈可三四十圍每冢子生樹生
一梯冢子沒樹枯一幹
鄒縣東南二十五里嶧山孤桐夏禹時物久枯萬曆戊子其左
生株王恩任過之尚檻其半崇禎丁丑屠鍾玉過之無存或以

桐芽數十簍之

縣門外孟子廟古檜三高數丈徑十餘圍枝

盤曲如龍

曹縣定清寺有枯桐一僧伐之止存朽根萬曆辛卯有道人手

持木尺禮佛趺坐根上曰此樹由我再生索水嘆之僧不顧也

夜半道人歌曰木有根兮根無枝人有眼兮眼無珠我來枯樹

活我去人不識人不識真可惜上天下地游北極翻身跨起雲

間鶴朗吟飛過蓬萊側明旦起失道人所在越三日發芽逾月

枝葉扶疎圍大五六尺許遂成茂樹

陽穀縣西北四十里孟母廟大槐北宋元祐時植

恩縣西北五十里四女祠漢歷亭傅清家富無子生四女誓終

養同植一槐今槐存不甚大或後人補植

臨淄縣西北二十里郵亭古槐十枝高五尺許相傳宋太祖微

時過此嘗挂袍其上曰矮槐

黃縣東南二十里萊山寺西北有古木唐初物

棲霞縣濱都觀枯松柏相傳每百年長一枝

即墨縣東南六十里勞山上清宮文杏二凹處可隱二人

河南

鄆陵縣西十五里甘羅墓七處環植皆合抱

延津縣 石婆東唐尉遲敬德造東嶽廟殿後酸枣樹一

株合抱高數丈歲久不榮挺然特立旁產一株甚茂云敬德繫

馬掛策其上按延津古酸枣縣也宋時改延津家宰李戴有記

密縣東五里天寶宮白松世傳黃帝三女九歲俱辭家學道後

十七年歸省一夕同逝合葬于此明年塚上生松一株三幹

白如雪大四十圍高八九丈膚理瑩澤指文隨起或曰民間女

學道不成仙去莖白松下 縣東北二十里修德觀古檜殺白

松十之一偃蓋左紐銅文密縣志

新鄭縣陞山鄭子產祠前古柏一陳根之上多生穉葉青可

愛

滎陽縣東七里槐一奇甚世傳漢高祖為王時繫馬於此金道

東文詩滎陽縣東千古槐人言曾見漢朝來不知幾覺南柯夢

直到如今喚不回

襄城縣南五里首山西巔有樹一株名金花樹俗呼濫樹大可

十圍枝葉穠蔚數十里外可望及之崇禎庚辰枯死或以此樹

關一縣之盛衰戊子於舊根旁復生二株又縣北二十里徐君

墓有樹相傳季子挂劍處曰靈樹

林縣城隍廟銀杏樹圍二丈高七丈老幹扶疎翠葉蒙密縣西

二十里婆羅樹其蔭及畝今樹毀迹存 西寶岩黃華寺古槐
蔭數畝 覺仁院獅子峰其下漏天岩有异木折幹倒植野人
曰交加木 爭秀峯西慈明院偃松二

磁州黃花谷內仙母塚大樹九後漢仙人王津墜母於此

輝縣西北七里蘓州山百泉書院古白楊十四株大可蔽牛殆
數百年物 縣東二里道旁連理樹兩椿同根一雄一雌下有
雙塚微露其磚未知所墜何人 西北七十里侯道川之平羅
社為蘭相如墓有古銀杏一株

濟源縣西八十里王屋山北天門古松十數

偃師縣達摩菴三花樹以凌霄藤附檜而生 六祖手植柏

方丈寺古槐高十丈圍三丈宋文彥博詩五品封槐今尚存第
未知封何日也 縣西北比干墓有大木三圍中空身根半存

上枝茂盛剖心之生氣猶在

登封縣北十里嵩山中嶽神廟門內古柏殆二百 絕頂止三

大圍六人石刻漢武帝封大將軍次圍可四人封次將軍又次

可三圍俱怙倖明喬宇曰意天下之木殆未有甲子二木者表

宏道曰漢武至今千七百年柏在當時已受封殆殷周間耶

新安縣西二十里王喬洞：石皆土所成具木葉之形洞上二

木化石而復生枝葉與凡木類云昔仙人丹成土木皆化為石

邦縣城北十里溝古姚期莊也山上一黃棟係手植千餘年柯

葉茂盛人損之輕則傷畜重則傷人。新野縣北二十里張門

村黑麓廟前有古楊數株俱大數圍採青者伐之樹血出遂止

華山華陰神廟門內老柏合抱無枝葉亦無膚僅枯幹二丈餘

吉水李日宣勒石曰青牛老樹謂老子西來繫牛處也又北三

大許老柏空腹有鳥啣槐實墮其中生槐幹且合抱而柏朽裂
半存嘉靖間州守某以鉄索合槐柏束之相傳張飛立馬看槐
處見於壁刻

陝西

盤屋縣終南山老子紫雲樓下繫牛柏下石牛卧焉又南四
五里說經臺古柏一俗說樹死老子針之活

咸陽縣北十五里周公墓模木其葉春青夏赤秋白冬黑

鄠縣南八里淨土樹俗傳西域鳩摩羅什憇此覆其履土中出
此樹三月開如桃花八月結實狀如小枣殼中皆黃土

華州南少華山蒼雲嶺古松五號五將軍今四株圍數人高數
丈

成縣東柯谷唐杜甫姪佐居此所居後為寺有樹稱子美樹

涇州王母廟前有古木數株不膚而滑莫知其名

空同山中峰寺北半里古松六

靈臺縣至定寺左離山唐牛僧孺別墅有银杏連抱數圍根結
二畝

鄜州北開元寺有白松奇古 明張著詩葉墮銀釵細花飛香

粉乾山門煙雨裡渾作玉龍看

安定縣南六十里神木山古樹千株樵採不敢入人以為神又
縣七十里高柏山有古柏

中部縣北黃帝橋陵多古木

神木縣西十五里楊家城內神松二

涼州衛東三百十里松山上多古松

莊浪衛東百二十里大松山多古松又東北百里小松山

錢塘縣西山上天竺寺長生僧舍梅二並合抱西溪永興寺大綠萼梅二

海寧縣東北四十里洛塘故廟銀杏一圍三人唐許遠手植華而不實枝向西北

臨安縣西五十里天目山新崖塔院大杉一丈華蓋松高七尺中峰大師悟道處西南中峰塔院大杉一本二幹化城寺側

一松根在崖下頂高走路僅二尺許俯視如薺蔭可三畝收童戲其上不動觀音崖檀樹長丈餘懸崖外歷三十年不加長

下覆小觀音座僧云禱雨輒應餘杭縣西南十八里大滌山洞霄宮大杉二相傳唐昭宗景福二年閻丘先生以盂攜自天台者圍二丈高三十餘丈葉雖凋

減枝益堅徑山寺門古松可蔭十畝又水蘭一並奇古於潛縣南四十里收嶺古松盤錯奇恠有兄弟各欲訟於有司

夜憇其下質明相顧而悔各息因名水長官昌化縣西北六十里千頃山龍湫西一娑羅樹初夏花開香聞

數里嘉興縣東三十六里圓通寺銀杏二唐時物海鹽縣城南永祚寺銀杏二數百年矣天將雨輒出雲雨霽雲

復歸又縣南十八里秦駐山廟前飄松一斬而復生不由栽種董穀碧里雜存

歸安縣東震澤普濟寺古柏數千年物能為神長興縣東南大雄寺陳高祖故宅也梁天監中手植檜今中裂

為四枝垂蔭半庭堅如金石鉄佛寺有六朝銀杏樹

湖州天聖寺六檜云齋梁物
德清縣西南天寶橋西左顧亭孔愉放龜處二大枯木可千年
挺立不朽

吉安州鳳亭鄉岳武穆將壇一椽樹大數圍莫敢犯

紹興天衣寺有舞松一株相傳為晉人手植

高橋 有古樹一本五大幹倒臥橋側

項里 項羽所避處有廟古樹圍二人

秦望山 府城東南四十里古松一

雲門山寺 城南三十里盤古社木大數圍晉唐間物

曹娥江 府城東南七十里曹娥廟古檜二又山茶樹千年外止

如拱把之半根奇峯折取一花者其手自懸於樹因勒石示戒

餘姚縣 九里宋石將軍廟樟樹可數抱 岳林寺古柏

縣南二十里桃花嶺下有大桃樹約數圍

新昌縣南明山月峽古松唐人植

天台縣桑州驛古樟圍可十人 天台山萬壽寺古杉十二各

百圍相傳羅漢所植 羅漢嶺古檜十餘大數圍 歇脚寺壯

丹二本高丈許每放五百餘花 華頂峯石罅有木心花時一

蛇盤其上至落實供大士乃去號為護聖 資福寺恠松大數

圍高不過四五尺枝葉翔舞於水面舞狀類鳳根盤類龍萬曆

癸巳摧于溪水 天台山菩提樹相傳西天梵修遺種花葉如

柿結子為珠十百中必一二顆如羅漢佛頭云他處所無也 楓

樹嶺上古楓高二十餘丈大可數十圍其中空可容數百人

永嘉縣象浦驛古樟圍十人 石羊山穴中枯木狀如石羊色

如黛楮

平陽縣西南昆山絕頂二古木冬夏常青

建德縣橋山相傳絕頂有羅漢橋一林熟時風墜得者云仙山橋

桐廬縣五十里嚴陵釣臺崖上香木一株高丈餘圍三寸許歲長一寸太監黃敬採買江浙一日欲犯之不能得

蘭溪縣古柏明太祖嘗駐師其下黃溫大溪古檀一其大合抱高數十丈歲春夏溪漲始發葉如漲後不葉必復

大水

真覺寺後智者大師塔上松下數百年偃蹇如虬龍

東陽縣南六十里淮岩山道旁有岩可容數十人旁有連理木其大百拱

浦江縣東明山之梅花泉有若梅如龍橫躡泉上

開化縣

銀杏一巨甚其實從幹上壅腫處刮出云胎生銀杏取其旁幹接他本仍實於枝

麗水縣南十里白雲山麗陽廟古樟靈根千年不榮不福柯萌時出殿外

雲和縣大杉嘗絙圍之合十九丈徑六丈四尺遠望百里外

江西

南昌府孛應廟古槐唐崔隱士手植翊聖觀二松相去五尺合為一幹名為義松

西山咸通寺古娑羅樹其下貯樓三楹曰枯木樓許旌陽手植桂

建昌縣北五里冷水觀壽松一名挂劍松相傳許遜挂劍於此甚恠屈宋寶慶初知縣曹幽亭其側曰千歲靈根縣治南壽

樟初邑人李左司公懋仕於朝高宗嘗問樟公安否對曰枝葉
婆娑四時常青項安世作壽樟亭記

鉛山縣北十里鷺湖山唐義公道場手植羅漢松一

九江府城南二十五里廬山白鶴觀大松徑丈餘 山西大林

寺寶樹二一如蓋一如塔蔥鬱異常

德安縣崑崙山元陽觀牡丹根枝連抱云玉仙所遺

彭澤縣南陶狄二賢祠有山茶大盈抱二月三日祭時花特盛

好事者分種之竟無一活 縣南四十里仲芳湖上狄梁公廟

有柏八株不膚相傳公被誣減死貶彭澤令因三人值除夕許

還家五日就獄其踰期者一喪母一風阻事聞天后异而釋因

因率男女五百人祠之柏八章相傳因劈餘枝所生

建昌府城西南十里麻姑山殿後七星杉圍二三丈高切雲漢

橫列七株故名

撫州府城東北清遠鎮禪居東山有壽樟一幹圍三尋

清江縣署古松五

安福縣東三十里福聖院唐仙女吳彩鸞來游手植二樹曰羅

漢柏歲花冬實 縣西百里神楓形如神面目歲旱封以泥則

雨

高安縣署有偃松 城西南四十五里集仙觀古柏三許真君

遜手植有丹井

萍鄉縣檀樹五客以六十緡貨之將伐一夕生龍鱗遂輟 縣

治南寶積寺羅漢松黃山谷手植

萬載縣 六里慈化寺普菴道場也倒栽松圍可三人根皆在

上枝幹下垂枯枝如鉄風霜不摧青翠欲滴

墨潭下陂有六樹同本各四五圍離立可置二席

湖廣

武昌城西黃鶴山仙東亭多枣有一樹半榮半枯云古仙所植
漢陽城東北大別山太平興國寺有柏俗傳禹治水時所植其
根盤曲直至柏泉寺井下因名今柏根尚存

襄陽城南七里峴山有晉柏其柯幹如鉄石
均州南百二十里太嶽太和山古杉大十圍者至成林 榔梅
相傳真武神折梅枝寄榔樹上仰天誓曰吾道若成花開果結
竟如其言今樹存

華容縣觀音寺玉蘭樹高大餘遠望若玉山
荆門州靈鷲山祖師洞深數里有樹數株葉如冬青實如紅柿
可愛名曰仙果觀音崖娑羅樹大二十餘尺 太陽山寺娑羅

樹一 東嶽觀銀杏二大各數抱嘉靖三十五年伐其一

巴東縣署萊公柏寇準為令時手植三株

岳州西南洞庭湖君山上崇勝寺古銀杏大可數圍腹中半焦
僧云此秦始皇火樹

衡山縣西二里靖居岩有羅漢果樹 西三十里衡山絕頂有
千年松

鄱縣康樂鄉神農氏陵有二杉一榮一枯大數十圍高不能測
根節如鉄石乃異人所植莫敢剪伐又龍爪樟亦大數十圍
武陵縣德山寺古桂：各大小數圍

寧遠縣南六十里九疑山舜廟北煉丹觀簫韶祀林兩峯間有
松穿石曰而生枝柯拳曲如伏龍狀又沙樹十二其大七八圍
次五圍縣官某嘗鋸其小者大風雷死三人

沔陽城北紫陽觀有三色檜宋徽宗嘗賜金牌曰圓通神靈老
柏張耒詩亭、古柏不知年天寶以前耆舊傳
柳州城北柳江口曹王寨山其巔有石若鼎在大石罅中歲久
石合而身出石外有柏樹生貫石耳中
桂東縣東五十里萬王城內富桃李就啖之味甚甘而不可攜
或私藏之必失歸路

四川

四川布政司公署故漢先王遺宮柏二百本堂前古桂一圍四
人花時日掃數斛 成都城內西南江瀆廟有六樹傳自隋唐
高十餘丈圍約三四尋挺直如矢無他柯幹顛上生枝葉若棕
櫚狀膚龍鱗而葉鳳毛寔大於枣歲仲冬有司祭而始採諸葛
武侯廟古柏圍四尺唐末斲枯不散伐宋乾德五年丁卯五月

枯柯復榮

灌縣西北二十六里灌口山有古樹圍八九丈上有寄生木亦
大數圍云秦物土人稱紫柏 縣西南五十里青城山天師粟
似栗而小獨房可治風孿相傳張道陵手植七十株在上清宮
牡丹高十丈歲周一甲始花

彭縣玄妙觀桂二四時清陰覆地十餘丈 西浦國寧觀大楠
木蔭車數百仙人遊君手植

羅江縣吳氏堂有柏圍數十丈中空外曲若蒼龍狀枯而復榮
蒼溪縣東南三十五里雲臺山有大柏中空可坐數人亭其側
曰魁柏

劍州西八十五里延福寺有巨木一隻羊色白時來其下近則
香

廣元縣北張道陵祠有伏鬼井道陵植杖井旁今為喬木
梓潼縣北十五里七曲山文昌祠二晉柏大幾三抱

富順縣甘氏園木黃葛依石而生方條忽拱

永州縣有松化為石今尚有斷節及根

銅梁縣南五十三里巴嶽山木連樹高五六丈葉如榿楠花如
蕪蕒出山則不植

重慶城東北二百八十里溪上有古木盤曲如交龍曰交龍

涪州荔枝灘荔枝十八株 唐所進楊妃者今存其三圍可四

人

夔州府治東白帝城之西有水如桂高三丈相傳公孫述樓柱
斫之出血枯而不朽

眉州治西南三蘇祠古榆一相傳蘇老泉故居所手植至榮茂

文廟紫荆二宋時植

嘉定州治東九頂山兌說峯下大楠三株其麓清音亭異柏四
曰葉細如剪曰扁仄如片曰垂絲如柳曰蠟刺如毛 洗墨池
松四偃蓋如車輪 海棠有香其本合抱

峨眉縣楠木坪石楠文杏各大數圍高十餘丈又山半有老僧
樹初枯而中空有僧坐化其內樹復活

大邑縣西八十里鳳皇山有紫柏十圍根盤巨石上號騎鯨柏
邛州有變色木芙蓉花先白次練次緋次紫文宮花院有之
合江縣南五里榕山上有天符葉如荔枝長而有紋如虫蝕篆
不知何木或以為劉真人仙蹟

納溪縣楠木洞二楠大不盈數寸高丈餘葉亦扶疎雖千年如
弱植

江安縣三清觀松二高十數丈

黎州安撫司廳東梨一高九丈圍九人州人取其枝以接菓相

傳唐僧三藏游西域徑此植杖梨處云他日州治在此果如之

城東十里龍池祠內枯槎三株如龍形觸之則風雨暴至

福建

福建布政司後堂有大樹合榕樟纏生鬱然千雲曰嘉樹堂

福州壺江在海上多烈風而白崖之上有椿一株翠蓋亭三榕

葉槐身徑年無鳥跡雖風作不脫其葉三年結子如紅豆曰仙

椿

閩縣東十里東山之松塢有松宋初物錢昱題松身曰景致福

神仙心幽道亦玄僧閑出來世松老不知年

侯官縣雞籠山西為鳳崗並種荔枝大者十圍高三十丈皆閩

王王審知所植城北百八十里雪峯山蘸月池旁有古杉閩

王王審知與雪峯大師手植皆數十圍又雪峯道場有楊樹藏

樓三楹曰枯木樓

羅源縣山路旁石岩下覆古樹虬枝蒼蔚其上石刻蘓舜元才

翁所賞樹名

永福縣東北里方廣岩徐君壇古杉高興岩齊仙人福州

徐登東陽趙君炳競術君炳倒植花林莊登埋碁子田中涌土

成塾植牛杖其旁旋生枝葉命老樹尚存

晉江縣城北雪山東時泉州治在其麓宋韓國華為守生琦於

此生時治前榕樹悉花如攀枝今樹尚在又城東鸚鵡山承

天寺塔植榕樹絕無矢汚榕根盤鬱無復侵出石欄外者

南安縣西九日山延福寺有無名木宋時木也而莫識其名王

十朋詩一木蒼然老更奇
肯將名與世人知
我來不具知名眼
深愧平生未學詩
福泉山有徐道菴
前據木合抱紹興三
年水出其中或以瘡病

永春縣樂山東臺有橋一本橋實隨人取實袖歸即疫蛇蝮人
號東臺仙橋

泉州城中承天寺菩提樹一本大十餘圍高數十丈

建寧行都司元平章陳友定舊署多大樟皆十許人合抱一樹
中空可坐五六人
榱朽下垂儼如岩洞不知為樹也
城南三

里開元寺瓔珞松二

建陽縣西北七十里雲谷道中有數松詭異石碣曰戰龍松朱
晦翁書

崇安縣圃宋全道軒手植梅邑人碑之銘曰召有棠菜有柏清

敵梅碑以石

浦城縣城中銀杏一株世傳仙人擲樹枝于上其枝垂下

生每果熟樹自腫成大塊破之可得二三斗多至石餘形視凡
果差小味則同

尤溪縣西南百七十里分枝嶺界泉之德化上有大樹南北分
向分縣境

歸化縣羅漢寺有樹名羅漢結子如嬰兒

莆田縣福平山鳳山寺前有大木乃甘棠赤榕槭樸三木合為
一幹蓋其初鳥食二樹之實遺矢一樹中若寄生然久之合為

一樹矣輪囷蔽虧參漢連午東西不見

仙遊縣楓亭驛荔枝樹六株皆參天味最甘
大旗山石瀨有
一樹婆婆如榕國有大故樹輒先呼人名知國樹

漳州鎮海衛榕樹幹大如一間屋蔭三十餘丈翠屏山之麓
有大小二洞、口莖二株不根土壤對峙石壁上高不及三尺
歲結碧桃數十顆

光澤會仙岩石斗岫上有朱桃熟時即墮人莫能得
平和縣三平山樟樹云唐義中禪師初入山卓錫而立化而為
樟今尚存

福寧州龍泉菴榕樹其中可盤坐五六人枝梢寄生大可數十
圍

廣東

廣東城內光孝寺菩提樹梁天監元年梵僧智藥三藏自西天
竺移植今圍數抱高十餘丈經冬不凋葉之筋脈細緻如絹廣
人每用此為燈為花

南雄府城東三里三松臺其地隆然高阜上有松三株蒼翠如
蓋

潮州府治東金城山韓文公植一木今不識其名但稱韓土人
視其花之疎密以下登科多少去祠十餘步種之輒死有題文
公祠云韓公有情空谷暖鱸魚無種海潭清是也

廣西

桂林府南門榕樹一唐總管李靖所植歲久根蟠分而為二
貴縣城內陸續井 軋和中刺史劉傳古植橘一株

慶遠府城北山大岩唐仙人陸禹臣嘗手植桃榴于左各一又
淨瓶植榕樹凡二十四葉至今不凋

橫州馴象衛殿指揮園鉄樹高三四尺幹葉紫黑葉小類石楠
周年乃花、四瓣紫白色如瑞香累月不凋嗅之草氣 王濟曰

詢堂手鏡

雲南

雲南府城西南三十里太華山寺山茶八株高四五丈香閣前
古椿圍二丈蒼幹入雲千餘年物府城南昆明池山茶
安寧州西岸曹溪寺曇花一樹相傳自西域來扶疎百尺綠葉
白花移藥他種終不復活 溫泉側有無名樹僅四五尺蟠根
石崖四時不凋亦不長楊用修有瑤草蟠千歲之語今距用修
百年矣形質如故不知其何木也

江川縣北二十里雙龍鄉有古樹不知其名春茁葉自南則旱
自北則雨自東自西則風雨時禾黍登四圍並發則飢饉旱澇
驗之不與亦不知昉于何代也

太和縣上關和山之麓有樹高七八丈葉如桂花白色每朵十

二瓣應月數過閏加一相傳仙種更無別本土人因其地名之

曰和山花

白崖川

菩提樹高四尺

臨安府

荔枝二樹並合抱

武定府城西五里獅山上小池旁羅漢松一大數十圍霜柯鉄
幹世所罕見

金齒衛城東北八十五里瀾滄江其南三十里有萬箭樹段氏
時蒲蚕出沒經此過者射其樹以厭勝之至今猶然高丈餘鏃
如蝟刺

貴州

貴州金鷄驛東十餘里松樹山石如臺高數千餘尺上五松
自漢以來至今不改柯馮元成集

談遷曰余輯古本在今者據地志及文士紀咏耳秦蜀閩粵
滇黔中地多深阻歷代採木輒致異材而徵文考獻自恨寒
儉誠為寸朽貽笑鄧林也

穀

私稻宋大中祥符五年求之占城分給江淮間者耐早熟

江西建昌府產銀珠米宋時太守沈造嘗獻

金華香秔梁開平中赤松壇道士周猷赤松澗西秔米於

錢武肅王曰此實仙種三秋穗重香濃止五十區鼠則野狸逐

之雀則蒼鷹逐之王寇遣張思敬往視果然遂賜紫衣錢帛

明初沿宋制歲貢香米三十石太祖曰我訪知民間擇圓淨

者用黃絹袋盛貯封護進呈今後同秋糧送納不須歲貢勞民
自此遂絕金華府志

平涼番麥一曰西天麥苗葉如葛藤而肥短未有穗如稻而非

實如塔如桐子大生節間花垂紅絨在塔末長五六寸三月

種八月收平涼府志

襄城縣土產芒大麥亦可釀酒漢書揚州有桃花米即

今秦州紅也為下品

米豆雷州府思靈島出枝葉似柳花如烏豆一種之後數年生

實淮南子豆之美者有米豆

四川三峡產南稗雲一曰鷹爪稗以形似名亦播種畦植與五穀

爭植東南所無也

竹

杭州餘杭縣洞霄宮竹葉採之或不露骨云無骨箬

嚴州越王竹聞人斫則縮入沙中

迺平府劍津西山有朱竹數頃按朱竹世未之聞元時宋仲溫
在試院卷尾以朱筆掃之故張伯雨有偶見一枝紅石竹之句
管夫人嘗畫懸崖朱竹楊廉夫題曰網得珊瑚枝躑躅實當谷
明年錦相兒春風生面目蓋畫中朱竹不謂寔有之也

鄱陽人言山中產異竹高十餘丈其徑盈尺截而為笛往往得
泉甚甘山人亦多壽考 陶安學士集

袁州萍鄉縣羅霄山晉葛翁修煉處壇生二竹風動如掃人謂
之掃壇竹又岳州平江縣幕阜山一名天岳山上有仙壇瑞竹
同本異幹隨風掃地名為掃壇竹

均州西南薤山孤竹三莖歷三年一笋生一笋甫成則一竹枯
代謝不已

茶陵州真仙洞有竹節長一尋徑數尺名曰雪英

衡州衡山萬年竹

廣州增城縣東南二十三里觀山產婆羅竹圍三四尺性至堅
土人取以為弓

惠州羅浮山有巨竹十圍節長二丈曰龍蔥竹
平樂府平樂恭城二縣出筋竹可作衫充暑服

峽州宜都縣飛魚口產紅竹大者不過寸許鮮明可愛 有竹
斜節如龍鱗山園中間有之不多得

長韭

浙江象山縣東南百餘里大海中韭山產大韭徧地為然
四川邑梅峒長官司南八里昔有人遺韭種山頂韭長丈許四
時茂盛民多食之

彭侯芽

福建連城縣蓮峰山產彭侯芽葉大如盤冬夏不枯過年子落
崖下人難取以火剉亦不能熟舊傳彭侯所種

甘藷

甘藷俗名紅山藥也徐玄扈相國曰近年有人在海外得此種
海外人亦禁不令出境此人取藷蔴絞入汲水繩中遂得渡海
因此分種移植略通閩廣之境俗名番藷蔓地生形員而長味
甚甘山藷為劣蓋中土藷書所言藷者皆山藷也今番藷撲地
傳生枝葉極盛若於高仰沙土深耕厚壅大旱則汲水灌之無
患不熟閩廣人賴以救飢其利甚大農政全書

朱藷產呂宋國被野連山不待種植夷競食之萬曆中閩人移
蔓以歸種之數日即榮瘠鹵沙岡皆可植糞之加大泉人資以
充飢何鏡山先生喬遠有番藷頌

荔枝

弘治壬戌沈石田有白荔頌氏種荔枝成樹詩云常熟頌氏自
閩中移荔枝數本經歲遂活石田使折枝驗之翠葉花然不
敢信也以示閩人良是因作新荔篇

按吳地荔枝難種往聞吾西湖馬太僕三才墓舍有荔枝樹垂
實為俗子伐去偶見沈氏詩後人獨不為佳美耶

龍眼荔枝二種廣東止於韶州至南雄則無福建止於福州至
延平則無大都近海之郡則吐不近海不生閩俗女子將嫁男
家先一年送荔枝紅

獨本蔥

馬湖府產獨本蔥宋真宗罷獻

羅漢菜

南昌西山羅漢菜因靈觀尊者自西域持至葉如莖苗蘄州三
角山亦出雜以葷即無味

人參

遼陽東二百餘里山深林密不見天日產人參採者以夏五月
入裘三日糧搜之最難或迷徑斃人

萬曆中遼東李都督如松餽某侍郎一本重十六斤形似小兒
海鹽姚叔祥記

地黃

懷慶地黃蓋藉濟水灌畦而肥也不知密縣東北一帶旅生實
繁苗時懷人用青蚨買去每斤值五六文身計其所獲以鬻十
金而饒密縣志

琪樹

琪樹垂條如弱柳結子如碧珠三年子乃一熟每歲生者相續
一年綠二年碧三年紅綴條上璀璨相間產天台柏宮石橋
等處

佛手柑

佛手柑一名飛瓊鈕指母孫瓊與定夫人書此中果有胡桃飛
瓊

薔薇露

薔薇露出大西洋國花如牡丹花露晶莹芬芳襲人澤休膩髮
經年不減

大內瓜子

大內多異物歲一閱視出之於廷有瓜子長五六寸濶稱之不
知何地所產其瓜當大于屋此古來史冊所未聞也袁貴妃父

祐記 玉堂齋記 重

文林即

濟南文林即果本草云出渤海如李如林檎其樹自河中浮來
得之者為文林即故云

不灰木

檉子經野火燒死根不灰色白類龍骨 諸城縣志

萬曆己丑春諸城東鄉人言廬山東麓崖塌出龍肉又曰龍骨
無數色人驚愕後識者曰不灰木也其長莫竟滿澗皆是色白
而軟非木也可以燃燈類於龍骨故訛傳耳齊地記曰東武城
東南有廬水、側有勝火木方俗音曰檉子其木經野火燒死
灰不滅故東方所謂不灰之木也

君子樹

君子樹似松曹爽樹之於階 廣志

木威

廣西宜州木威似栢欄葉間有實穉生似橄欖廣東蓋號為烏
攬邑貴間謂波斯橄欖其葉兩廣人用作雨衣柔韌密緻勝青
油也

血樹

血樹似芭蕉葉如血根幹紫黑色高者七八尺惟雲南臨安有之

塔松

峨眉山塔松狀似杉而葉負細亦不能高重、偃蹇如浮屠山
頂尤多

椿實

鉅野縣郊外紅樹一株蓋椿實也與餘者不同 楊士聰靜 椿木
遠堂集

寶香可噉

陰陽柏

海鹽橫山崔孝廉培元家廳事前二柏殆百年身左花右實予聞而特過之真奇種也按陳繼儒太平清話南渡時高麗進陰陽柏二株僅二尺許高宗以賜王陶二種之永懷寺高與殿齋每歲左花則右實右花則左實

紅豆樹

南京牛首山東北鄭太監墓有紅豆樹

順棘

長清縣豐齊鎮北古城棘刺皆順而不鉤世傳宋藝祖微行過此長清縣志

猿草

山海經曰大騄之山其陰多缺美玉青璽草有烏其狀如蒼而毛青花而白實其名曰猿服之不天可以已腹病今亦存其名耳併美玉青璽皆烏有也密縣志

松羔

秦地松樹弥望山中尤多其小者曰松羔以木稱羔與羔羊之羔義同楊士聰玉堂薈記

金剛纂

天目山金剛纂樹長不滿三四尺多屈曲雖春夏亦無葉每觸其枝曳裙不前夷緬國有是種相傳剉其末以漬水必毒飲者立死安吉州志

雲南大候州產金剛纂其色青狀如刺桐性最毒

赤藤

赤藤產緬甸朱色可為杖

孝陵海棠

孝陵海棠獨結實外香中酸

指甲花

指甲花五六月開花細而黃類木犀中多須蒴香亦絕似葉染

指甲其紅過於鳳仙稽含南方草木狀胡人自大秦國移植南

海日詢堂手鏡

婆樹木花

婆樹木葉似海桐又似楊梅花紅白色三四月盛開備紅紫白

諸色叢蕊並蒂大可尺許出四川峨眉山

水蓮

峨眉山水蓮四季歲綻若續

早金蓮五臺山出瓣如池蓮較小一圍而色如真金挺生墮地

相傳是文殊勝蹟也

婆羅樹花

天台山婆羅樹花一名鶴翎出華頂峯以多經風霜樹不高大

樹數十枝二十餘頭六七葉經冬不凋花如芍藥香如茉莉

唐天寶初安西道進婆羅樹

唐婆鏡

唐婆鏡一名羞天花一名倒垂蓮本草所謂鬼臼也其花背日

與蜀葵相反

簷蔔花

牛首山鄭太監強墓有簷蔔花

滇茶

御史鄧鍊論滇茶十德色之艷而不妖一也樹之壽有經二三百
百年者猶如新植二也枝幹高踈有四五丈者大可合抱三也
膚紋蒼潤黯若古雲氣罇疊四也枝條黝糾狀似麈尾龍形可
愛五也蟠根獸攫輪囷離奇可憑而几可藉而枕六也豐葉森
沉叢茂七也性耐霜雪四序常青有松柏之操八也次第開放
近月方謝每朵自開至落可歷旬餘九也所入瓶中水養之十
餘日顏色不變半含者亦能自開十也

玉女花

昆明池山茶見吳人
葛一龍回憶詩

沁水縣韓王村玉女祠有樹每歲再花春赤秋黃人不之識張
大理五典載之縣志大理長孫都督道濬遂名曰玉女花蓋今
人身目短隘或他處有是花具其名未可知也曹縣青山之土
神祠縣志云樹古不知其名郝秀才元謂南人過之云樸也夫
樸為下材猶隔于淺識况其他乎孔林之楷子貢所植即吾鄉
黃棟嫩葉可茹俗名茶娘也予年五旬因過丹陽摘芽同人
語及有省否則終其身不知楷為何木矣

勞山白牡丹

膠州勞山明霞洞宮白牡丹一本非近時物豪家匡氏移去而
匡氏敗有白衣人見夢于道士曰我今來矣果舊坎復蘇至今
存匡氏之種葦高相國記

延安府膚施縣南四十里牡丹山曰花原山多牡丹樵者以為
薪又縣西牡丹川牡丹特盛又宜川縣東二十五里牡丹原
沈萬三牡丹

南京都察院河南道署中牡丹單紅為國初沈萬三物

延州紅

延州杜南川西三十里曰花原頭其山高五里輪二十里千餘
年來土人種牡丹幾遍至折為薪故名花原牡丹譜所謂延州
紅也

海棠

大足縣古昌州也海棠獨香故又名棠國唐有大足年號郡邑
以年號名者種如仁壽崇慶之類郭子章蜀草

金蓮寶相花

南京雞籠山五顯廟金蓮寶相花一曰優鉢羅花開必四月八
日至冬而實如鬼蓮蓮去衣其核中則金色佛一尊

紫金蓮

登鄧縣嵩山法王寺紫金蓮開中秋一月云神光說法時從地
湧出移他處即福

橋頂花

隨州大洪山有岩花菜橋頂花他方所無李維禎大洪山記

普舍樹

施州普舍樹四時開百種花惟覃氏子教歌舞其下花乃自落

素馨茉莉

陸賈南行記南越五穀無味百花不香獨有二花不隨風土而
變謂素馨茉莉也

特產

閩中紅茉莉蜀中紫繡球楚中紅梨花燕中黃石榴天台黃海
棠白海棠白紫薇碧桂花白玫瑰洛陽黃芍藥皆特產地所
無

益都方物畧記有赤鸚芋止言可歲不言其花予里佃人偶

種得花開以日中花成條若簇小粟香如蓮色如百合亦若葵而稍淡先有臺如荷包之花縱而臺破見鄭以偉詩中袁石公盛稱湘湖蓴菜美不知湘湖無蓴皆從西湖採去以湘湖水浸之蓴菜經宿則愈肥凡泉水湖水皆可浸不必湘湖也今人但知湘湖之蓴又因石公言謂非湘湖水浸不佳皆耳食者耳見李流芳集中蓴菜歌

廬山紫芝

晁无咎鷄肋集舊說廬山有紫芝田百畝人莫得見偶於開樓賢林中步兩日各得一枝正枝如玉云云噫紫芝可植所少晁无咎其人耳

木瓜

木瓜出汲縣爾雅曰楸木瓜也衛人所賦木瓜即此

芍藥

溧陽芍藥芽代茗飲曰瓊芽先朝進御見黃縉集中

不出宮菊

宋徽宗藝菊有小朵銀色者不令分種于外禁中名曰不出宮菊譜所謂御愛菊也

菊實

盛弘之荆川記穰縣芳菊被崖水極甘美菊莖短葩大太尉胡廣恒汲飲此水又收其菊實傳植京師穰今內鄉縣楚寶

菊譜

趙俊谷先生時春菊譜序曰菊之為華冬培根春藝苗孟夏分種夏而迄夏再取其肄又植之終夏而止至秋大盛伐其條肄以培其花迄秋而大成初冬大發其美既欲其久存或苦

覆之 幕之蓋終一歲之勤焉其名著於目今餐於靈均紀於
本草 於南陽陶潛籬之杜甫叢焉幽人騷客率發詠至宋人
譜之而大憚色之殊者或如墨或崇及尋丈色品繁阜宜濕及
圃 中者宜原野下者蔓衍丘陵皆華而不實其植以根枝蔭
之根成而暢乃見晚其白面內包作筒外瓣單者香甘宜釀酒
邵風 養老壽本草杜甫詩所謂甘菊也聞以伏日而色紫紺
結子即種而不根茲世號六月菊今吾郡及雁門西河高山多
有之菊之贅也華之不植而灌樹者或萬數僅如大小錢但可
釀麪不足稱也受培植而藝工者子其身保其葉翹然上生其
端有微葉乃參之而又子其枝保其葉翹然扶搖其端有微葉
又參其巨芽而伐其細苞參三以應陽九亦菊性也率以微葉
冒端者為微香即般糾藝者必審於此故花大及二寸餘小者
猶當十錢參三之而不可過者或至再倍身洪大者如大小指
可杖卑者猶二三尺高率及人肩眉菊之最盛者也糞必熟薄
而亟數均平之既以三五日陽地以涼溉陰地以溫溉溫泉洪
河之波溉最良之數之腥尤宜溉酪之陳油宜糞分植而未根
芟宜陰或蓋冒之樹蔭之溉以葉舒為徵拳既溉之或以壺水
如針孔者雨之俟可拜宜移諸陽皆上品也其下者亦居陰寒
冬除其霜霰或曰此北方平原法也寒甚失陽上品花或瘠南
方炎洲有雪乃開或至中冬大抵菊雖凌霜耐寒亦稟中和之
氣為糞生米汁輒生虫腦屬六畜之踐藝工動作之疎率能敗
菊於法當除

黃中央土正色菊本黃上品大黃菊 正黃 金鶴頂 黃幅赤心二
之覆赤金盤 黃赤 玉繡毬 淡黃 黃鵝毛 御愛黃 俱干夾黃 畏寒雪多
葉中品 火煉黃

黃幅 佛面金 俱干蜂窩黃一名金荔枝一名黃卷書葉筒幅大

金錢 單黃 金簪頂一名遠枝嬌幅單纈黃赤南方火正色絳紅

紫以淺深別也非如服之間色也上品絳紅袍正紫紅鵝毛海

東紅 早紫 俱干葉初 中品狀元紅 一曰舊朝服初紅晚 下品金

眼回 單紅 纈幅 白西方金 正色凡色白者皆靚潔而香菊為甚

皆可釀酒入藥上品平白雙幅黃青心白微青纈白鵝毛干葉

白蜂窩 菊即甘銀鶴頂淡單白幅金盞銀臺單白幅正 粉色得人

之正色清且麗者也上品銀鶴頂白紅纈荔枝紅白纈幅漸大粉

息干葉中品玉蘭友干粉息 虞美人雙幅粉八月菊干粉八月

蜂窩 粉幅 纈

蘭

蘭有紫黃碧三種又四川霧中山產赤蘭曰冷蟬黃蘭曰玉蟬

紫蘭曰金蟬

宋末鄭所南画蘭不根土曰今日此土非我有也雖憤語而天

台山產風蘭鹿角蘭俱不土而活

宋政和五年正月密州產蘭彌漫山谷或附木石或出平地有

一本數十花層疊高丈餘五色咸備密縣志

蘭有蒲蘭綠蘭各種 保定縣志

棉花

潁州志紅棉花青棉花俱間產

禹貢兗州厥貢絲厥篚織文揚州厥貢島夷卉服厥篚織貝註

謂兗地宜桑織文者綿綺之屬卉服今木綿而織貝為木綿之

精好者曰桑絲曰木綿維兗與揚之島夷作貢彰矣古之所謂

綿者絲綿也古之所謂布者桑布也故唐人税法每丁歲輸絹

或綾絕共二丈綿三兩輸布者麻三斤宋林勳作政本書正夫
之貢惟絲與綿非蠶鄉則貢布麻夫以綿而繫之絹以布而繫
之麻則綿為絲綿而布為帛布也明矣元學士王磐序農桑撮
要之書云木棉種於陝右輟耕錄云閩廣多種木棉紡績為布
蓋木棉出自南夷西域宋元間始傳閩廣閩陝至明時乃盛

茅

苞茅產沅江一莖三脊

瀛州青茅草可為筆

河南新鄉縣魯包村仙茅世傳西域僧所獻唐明皇服之有驗
至今江南人呼婆羅參

嚴州釣臺地止生白茅無他產即瑛詩乾坤留節氣草木顯清
風

仙草

雲南蒙自縣有仙草葉圓枝細其葉乾之一二年醮以泉井或
氣呵之復鮮茂如故

不死草

柳州產苴草俗呼不死草狀如茅高一二尺食之令人多壽暑
日置盤筵中蠅蚊不近物亦不速腐戰國策楚人獻不死之藥
即此

真仙洞草

茶陵州真仙洞深十里許有草一本枝高三十丈狀如芭蕉

觀音篋觀音燭

延平尤溪縣之雙峯山生異草二種一如婦女束髮篋名觀音
篋一如燭燭可灌油照夜名觀音燭

俱那衛樹

俱那衛樹高七八尺枝脆葉狹而長花紅根似玉簪花而小曾師建閩中記南方花有北地所無者閩提茉莉俱那衛皆出西域盛傳閩中北地雖植莫能活也

夢花草

綏寧縣產夢花草其莖如藤其花黃白叢條如綫有疇昔得夢而遺忘者紐之即寤見一統志嘉興包公判先生汝楫令綏寧嘗訪之士人不知也

虞美人草

四川雅州和夷壩生虞美人草歌曲其草自舞

羅漢絲

衡山天掌峯生草兩莖相纏垂頭如絲俗呼羅漢絲

通靈草

成化時邑人孫漳守潯州斷藤峽有草名大藥治金瘡撲損神效徐人珍之孫婦移種而萎弘治十年三月忽生後圃孫曰思之二十年不圖復見名通靈草今不傳或有之無知其名者

相連草相離草癡漢藥

貴州清浪衛山間產相連草苗婦於高山長歌連日歌淫心蕩有草飛來入懷置衣袂間令人相思欲死相離草投飲食中令夫婦參商又草名痴漢藥淫婦以食其夫如醉夢絕無妬心徐尚書良彥隨風錄

茶

國家歲貢宜興縣芽茶百斤內二斤上南京禮部六安州芽茶三百斤

廣德州芽茶七十五斤

建平縣芽茶二十五斤

浙江長興縣芽茶三十五斤
細南京茶出顧渚即芥茶也近時僧大方製法剪去尖末號大方茶按宋朱長文吳郡園經續記茶長州縣生洞庭山者與金時蘄州味同近年山僧尤善製謂之水目茶以菴為名也頗為吳人所貴

崧縣芽茶十八斤

會稽縣芽茶三十斤

永嘉縣芽茶十斤

樂清縣茶十斤

臨安縣茶二十斤

富陽縣茶二十斤

慈溪縣茶二百六十斤
縣西南六十里宋寶祐間丞相史嵩之治墓建開壽普光禪寺其山頗產茶殿帥范文虎因置茶局進貢元明皆仍之

麗水縣芽茶二十斤

金華縣茶二十二斤

龍游等縣芽茶二十斤

臨海等縣芽茶一十五斤

建德縣茶五斤

淳安縣茶五斤

遂安壽昌二縣各茶三斤

桐廬縣茶二斤

分水縣茶一斤

江西南昌府芽茶七十五斤

南康府芽茶二十五斤

贛州府芽茶十一斤

袁州府茶十八斤

臨江府茶四十七斤

九江府茶一百二十斤

瑞州府茶三十斤

建昌府茶二十三斤

撫州府茶二十四斤

吉安府茶十八斤

廣信府茶二十二斤

饒州府茶二十七斤

南安府南康縣茶十斤

湖廣武昌府芽茶六十斤

岳州府湘陰縣茶六十斤

寶慶府邵陽縣茶二十斤

武崗州茶二十四斤

新化縣茶十八斤

長沙府安化縣芽茶二十二斤

寧鄉縣茶二十斤

益陽縣茶二十斤

福建、寧府建安縣芽茶千三百六十斤內探春二十一斤先

春六百四十三斤次春六百六十二斤紫笋二百二十七斤薦

新二百零一斤按何喬遠閩書建安縣鳳凰山之麓曰北苑所

焙茶最知名曰社前次曰火前又次曰雨前火前謂寒食前雨
前謂穀雨前也鳳皇山旁曰壑源曰沙溪皆產茶之地而壑源
為冠

崇安縣茶九百四十一斤內探春三十三斤先春三百八十斤
次春百五十斤薦新四百二十八斤

計天下貢芽茶共四千二十二斤而建寧茶品為上宋元時所
貢必碾而揉之壓以銀板為大小龍團明初以重勞民罷造龍
團惟採其芽以進

自貢茶外產茶之地各處不一頗多名品如吳縣之虎丘錢塘
之龍井最著故南宋蘓州茶額六千五百斤元無額明納錢三

百十九萬三千有奇惟吳縣長洲有之
成化三年奏准南京供用庫歲用芽茶坐派池州府二千斤徽

州府三千斤葉茶徽州府二千斤蘓州府二千斤滁州二千斤

徐州二百斤廣德州三百斤南京戶部志

四川茶園十株取一徵茶三兩茶四十斤易番人馬一季文忠

以茶五十餘萬斤易馬一萬三千五百十八匹今茶課本色十

五萬八千八百五十九斤係石泉建始長寧等縣并建昌天全

烏蒙鎮雄永寧九姓土司辦納

陝西茶課今五萬一千三百八十四斤係興安紫陽石泉漢陰

西鄉歲辦

陸羽茶經曰杭州下蘓州又下建州未詳郭子章曰今三州名

甲宇宙豈山川清淑之氣當竟陵時未茁為茶耶

宋貢茶首稱北苑龍團而武夷石乳之名未著至元設場於武

夷遂與北苑並稱今但知武夷不知北苑矣 明朝不貴閩茶

即貢亦備宮中洗濯甌盞之需貢使數費金抵京買而納之即
間有採辦皆延平產非武夷也延平人呼製茶者曰碧豎新茶
下崇安令例致諸貴人黃冠苦於追呼盡斫所種武夷真茶久
絕

金絲烟

金絲烟出海外番國曰淡巴菰流入閩粵名金絲煙性燥有毒
能殺人天啟二年貴州道樓借程廣西始移其種葉似薤長莖
採而乾之曰批如絲今藝及江南北崇禎十六年初禁私販至
論死而不能革也

經劫草

茶陵州雲陽山有草高三丈一芥千枝一枝萬葉百年而開
一花已開不謝陰卷晴舒名曰經劫草茶陵州志

曠動

獸異名

獸之異名者曰舍利能吐金曰羆能化虎曰魁白虎也一名
素威曰魑黑虎也曰蝮蛇似狸長百尋曰象輿其背可坐曰獬
胡似獼猴曰飛遽天上神獸也曰萬、能知生死飲其血則見
血曰猾褻音如斲木曰山獬其行如風見則大風曰棘、狀如
羊一角一目曰吉量文馬乘之壽千歲曰跡踢曰屏蓬皆左右
有首曰鵠蒼黑犬也曰驚帆者快馬名曰飛燕馬也張平狗亦
名飛燕曰鼈鼈者一角羊也能觸罪人曰倉光水獸也一身九
頭善覆舟曰破鏡忠逆獸曰不來狸也曰邛、距虛比肩獸也
曰花鵲玉鐸卑脚犬也曰天鹿即天祿純靈之獸曰角端日行
萬八千里曉曰夷語曰餘幽隱獸也能辟灾害曰雞斯散宜生

賂紂馬也曰荼首兩頭鹿也曰瞿摩帝牛也曰騂騃詎虛類曰蒙貴狀如猴而小善捕鼠曰贗者出大秦國似狗多力獷惡曰虬瓊水獸也曰白棠踰輸小子皆駿馬名小子又名五明又名叱撥曰野子即騰駝也

禽魚異名

鳥之異名曰畢方能啣火作穴曰駿驥驚雉也曰厲玉似鴨而大曰鷓鴣似鳧而脚高皆辟火穴曰庸渠鳧也曰焦明似鳳曰帝江天山神鳥也能歌舞曰鈎星衣毛為鳧脫毛為衣能收小兒魂魄曰鷓鴣者出基山如雞三首六目六足三翼食之無卧曰瞿如白首三足人面曰橐鼈者冬見夏蟄服之不畏雷曰鷓鴣者出小侯之山食之不眇目曰鷓鴣者出女儿山雄名運日雌名陰諧曰鷓鴣離也曰鷓鴣班鳩也曰鷓周子規也曰須臾鷓

也膏中瑩刀曰春鉏鷺也曰鷓鴣如鷓一名鷓鷯一名嬰羿人射之則斲矢射人曰希有崑崙大鳥也曰嚶啁楚鳩也曰鳩蹄即鳩也曰晨風鷓也曰博勞惡鳥即鷓也又名伯趙曰商羊雨禽也曰鷓比翼鳥也曰謝豹杜宇也曰訓狐恠鳩也曰鷓河澤鳥相視而生曰阿濫堆驪山鳥也明皇取其殼為曲又作鷓濫堆曰迦陵頻伽妙殼鳥也曰僧婆雁也曰秦吉了能言鳥也曰鷓鴣出條支國高七尺解人言曰乾翠鷓鴣也曰脰鳥燕也曰鷓山鳥也曰鷓鴣水鳥也曰鷓鴣即青鳥也曰批類即鷓鴣也催明鳥曰麋鷓九頭鳥也曰韓朋鳥雙飛即韓憑夫婦所化曰漱金鳥魏時昆明所獻吐金屑如粟鑄之可為器曰冠鳧石首魚所化水族之異名者曰鯨鮫狀如科斗曰鰩鰐有橫骨如鼻前所擊無不中断曰蠶魚如便面雌常負雄行曰蠟似蝦益

人顏色曰鱗魚如圓盤口在腹下曰三蟻似蛙蛤曰蛙江似蟹而小曰蛭蝸小螺也曰螺蛭腹中有蟹曰水母有智識無耳目曰龍鯉一角陸曰文魼狀如覆鉢曰蠓螞大龜也曰吉予龍那也龍生二那一為吉予其脂治聾曰地甲龜也一名神屋曰芘羸紫色螺也曰活師即科斗也曰仲明鮪魚也曰鱧刀鯊魚也曰魁陸蚶也曰人魚鯢魚也其膏可為燭曰水唐如小兒鱗甲如鮫鯉好在磧上自曝曰元儲神龜名曰彭越海中小蟹也曰儵鉢者浮陽魚也曰鰈比目魚也曰鱧鯪即烏鰂魚腸也曰鰻魚之生母也凡諸魚欲產輒以頭衝其腹曰邱類魚即東坡詩通印子魚也曰禺：揚州魚也又名鮮隄曰沈虎：頭魚也曰潛鹿：頭魚也曰奔鯨一名濁嬾婦所化曰白髮魚出滇池曰委怪魚也出博白曰鰓如鵲而十翼捕之可以禦火曰燕魚也出福州曰螭鱗也曰百足亦蟹也長九尺曰螿魚為膠謂之螿膠出善苑國曰黃臘即橫魚夜有光如燭雖為災不滅曰肯雷鰐魚也一名忽雷能化為虎曰螳蟾傍海大魚其溺甚毒曰條臂如龜入海捕者祭之則出 馮時可釋談

龍

龍生九子蒲牢好鳴囚牛好音螭吻好吞嘲風好陰睡眊好殺負巖好文狴犴好訟狻猊好坐霸下好負又博物志憲章好囚饕餮好水螭螭好腥鱓蚺好風雨螭虎好文采金猊好烟椒圖好開口蚩蚩好立陰鰲魚好火金吾不睡皆龍種也嘉靖初海門縣牛渚潭產龍無數傍崖近水處皆龍窟舟過其下亦不傷人偶黃龍起楊氏射之中一目黃龍遂以楊氏舟扶冥山巔迄無害餘數十舟覆沒

嘉靖七年寶應知縣聞人佺以射陽湖水患奏開月河試築紀
功方類地祇舉事二龍戲水上鱗角畢露衆懼而寢時大雨繞
四野獨不及工所成稱其异 以上揚州府志

南昌熊太僕

以比部即讞獄永平大雨三日雨中若列干

萬炬自西北至海及霧有大木三十長十丈遺永平城下土人
曰龍王採木數十年一見

諸城縣海邊人家有室女及笄者夏雨以手掬簷溜後右手拇
甲內若有紅線寸許作盤屈之狀年餘不滅亦無所苦女伴戲
而恐之曰得非龍乎明年夏雷雨女出其手於窗外忽震雷碎
旬後窓間起有龍出拇甲中騰空而去但甲分裂餘止恙
沁水張忠烈銓以御史巡視隴右茶馬某地巨魚半露人鬻食
之明日又半露仍鬻之日露日鬻旬餘大雷雨龍上昇而鬻食

之家俱漂沒 忠烈子道濬說

陽城縣劉村劉氏夏雨洗坐拇指掣動頃之破膚而出長三四
寸騰雲頓長數寸文指微痛不覺 張藐山先生說

峨眉山泉為龍穴游人至僧鉢盛之如蜥蜴尹仲曰此下方蛇
醫何龍也僧指示首爪特異僧舍有碣昔有誤汲入釜中頃刻
雷電大作晝晦諸僧不知所為老僧曰得毋煮龍子乎亟發釜
出之立霽

伏牛山泉游人祈龍現形可三四寸鱗角蜿蜒盛鉢中云佛受
記 以上臨海王恒叔游記

曹縣苗家寺佛像指出龍財三寸條數尺首向佛歛思透空教
十百丈赤光閃指今佛指痕存 曹縣郝開宗說
平湖徐在中以工部郎中分司張秋張真人舟過侍兒清麗徐

時謔之真人曰先生可自重此其地龍也不信命進盤水侍兒
忽入之即雷雨

萬曆己卯行人謝杰使琉球航海颶風作大雷雨有龍三掛於
舟上見其頭角一長年曰此來朝壘書急挾杰起書免朝示之
即退

崇禎丙子沁水曲底村山崩露龍骨首如五斗盞角長三四尺
齒廣寸許爪甚長人多拾之藏於家

龍三停九似自首至膊至腰至尾皆三停角似鹿首似駝
眼似甲項似蛇腹似蜃鱗似魚爪似鷹掌似虎耳似牛

龍涎香出蘇門答刺國其國西有龍涎嶼峙南巫里洋之中群
龍交戲其上遺涎烏國人駕獨木舟伺採之每一斤值其國金
錢百九十二枚准中國銅錢九千文嘉靖三十四年下戶部取

香百斤徧示京師不得下諸藩司採買廣東購每斤以千二百金
僅得十一兩進內驗不同姑存之亟取真者廣東獄囚馬那別的
貯有一兩三錢上之黑褐色密地山夷人徒上六兩白褐色細
問狀云黑者採在水白者採在山皆真不贗尋有密地山商舟
上通前共十七兩三錢五分次年進內辨驗是真許留用自後
夷舶聞上供稍賤來定價每兩售百金龍涎之為用也入香
合和能收斂眩腦清氣雖數十年香味仍在焚之翠烟裊空不
散或言涎味有三品曰泛水曰滲沙曰魚食泛水則輕泛水面
善水者伺龍出隨取之滲沙則凝積多年氣滲沙中魚食則化
薰散於沙磧惟泛水者可入香用又魚食亦有二種海旁有花
若木芙蓉者春夏間盛開花落海大魚食之若腸腹中先食龍
涎花嚙入久即漲悶昂頭向石上吐沫乾枯可用惟薰者不佳

蟒

爾雅蟒者大蛇也蟒無角無足龍則具角足今織蟒俱龍非禮見弘治元年都察院左副都御史邊鏞奏禁

蛇

京師西山潭柘寺有青蛇二歲四月八日僧函示大眾施錢手摩之祈免死

梧州火山有蛇廟佛爐上蛇時纏之大小不等少則百餘多至四百枚盜敢不服予蛇撫之是盜則噙否則絕不傷人

天啟初福清葉相國向高應召道淮陰苦清口涸禱于金龍大

王廟或作神語此地屬張將軍當問之若外河吾當護送夜果水漲達清口是日蛇附于柁薄暮升柁樓忽不見相國勒記廟

中

崇禎

大旱其縣有三蛇金背白腹長三四尺餘有司設酒穀祭之一蛇躍上臺案吸酒盡須臾不見陳眉公集

脫蛇出崑崙聞人聲即自寸斷人伺其斷鉗取之須寸各異處待風乾入藥若少頃無人聲寸寸動躍仍續而蛇也主治色勞

以驚疑喪胆惟此可續命本州方書不載 王鏡新譚

石魚

蘓東坡曰倦游錄云隴州地名魚龍出石魚掘地破石得之多鯁鯽之形鱗鬣皆具一如描畫魚龍古之陂澤也豈非魚生其中山頽塞久土凝為石遂留形跡耶 萊陽聚溪出魚鳥石云魚淤沙中久之化石 文太青集

飛魚

國初杜侍郎寅彥正云有人航海得飛魚於黑水之陽其長二

寸頤兩鬣各廣長寸餘張為兩翅海風發作從波濤飛集船上如燕雀既止則不能飛意者爰居海鳥亦此類與莊周所謂鷗化為鷗者荒誕也

五色魚

隴州魚龍水潭深不測產五色魚俗以為靈莫敢採捕

狼山魚

崇禎元年八月十三日狼山兵人喻崇布冒於港夕得魚可三尺巨首細尾體甚重投筭箸中忽太息曰我游自海上乃受制乎崇駭之即移婦漸縮作鮒三其尾崇懼擲殺之

鮐魚

雲南百夷中有小孟貢江產鮐魚食之日御百婦故夷性極淫貴賤俱有數妻山中又有彎薑餅一刀圭終身斷絕人道土人

以飼牝馬不官也 滇程記

鯢魚

四川通志榮經縣生鯢魚狀如鯢有四足大首長尾聲如嬰兒緣木弗墜

通州鱣魚

通州人葛原六魁梧豪俠人也以布衣獻鱣魚百尾時用法嚴或阻之原六咲曰爾不上食父母耶君猶親也庸何傷上召問之曰魚羹何如對曰臣未進不敢嘗也上大悅命賜酒食仍還其一曰勞汝勞汝其後歲進至九十九尾著為令

畫魚

重慶府龍門山寺吳道玄畫魚籃觀音池魚五色類籃中物相傳俛失之魚水頓竭既獲即如初 陳周蝶菴存稿

石花魚

保德黃河之鯉肥美甲天下產處僅三十里以食石花而肥曰石花魚

銀魚

寶坻縣銀魚每歲霜降銀魚自海沂流而上縣設六廠各漁戶百七十人每歲中官下廠督捕進貢七次

鯽魚

南京中貴惟胡惟庸政府每歲於玄武湖中勅賜打魚三日名飯魚

滁州城濠產鯽歲貢一千四百尾以元日冬至分進留都南京

後湖溧洲河並產鯽

西寧衛西五百餘里青海方數百里有魚皆負黑點一名早禾

羌海漢末王莽諷早禾羌獻西海置郡即此

蛙

峨眉小天樂池中有蛙游人鼓掌則一鳴群蛙次第相和將終則一蛙大鳴群蛙頓止宛然一部鼓吹

玉蟾

陽城李瑛從宦葭州署後圃見白蝦蟆甚大如瑩玉呼家衆視之已失所在

蝗

蝗腹下有梵字自初利天梵天來西域作天垣稼之酉陽雜俎江中魚化為蝗而食五穀者百歲為鼠述異記

螢

環慶無麥秋大梁無螢無寒蟬然寒蟬螢北京有之矣地之異

郎冷使然郎李夢陽集

金蚕

無錫鄒迪光金蚕說畧曰金蚕園中有之形似蚕色黃其說不見於諸書閩人云蚕所在有金焉或過而拾其金蚕必與俱之家若不令與俱輒營然緣足而上撲之復起旋撲旋起延及身手膠手掣足贖耳窒鼻兩目眊眩類無色澤四支百骸倘恍若失而死迫矣即不與俱而還其金亦由首企踵適然下地而不然者果死矣既已之家必倍其金以嫁於道路乃出否則不出也而所居家日殺一人止論親疎怨德觸之必死必其日所首觸者其毒蓋寓于飲食盤飧間故閩人有不知而偶拾其金以歸及已知而苦無金倍送者或雖知且有金而性貪以忍者往往有是蚕云營儀樓集

蠶虫北海所無獨西南方有之閩廣滇貴延綏臨洮俱有閩字從虫謂金蚕也五雜俎

野蚕

夢溪筆談禹貢萊夷作牧厥篚縻絲史記作禽絲爾雅曰縻山桑顏師古曰山桑之絲其韌中琴瑟之絃蘓氏曰惟東萊為有此絲以之為縉堅韌異常萊人謂之山蠶爾雅曰蠶桑蠶讐曰檇蠶棘蠶樂繭玩蕭繭今萊陽之山蠶細蓋檇繭也枚乘七發野蚕之絲以為絃殆所謂蠶繭而韌堅者與文太青文集
永樂時山東進野蚕絲製衾薦之太廟群臣稱賀今東齊山谷有之與家繭等蚕月抗種出蟻蠕然即散置柵樹上柵樹初生時猗然不異柔桑聽其眠食盡即枝相換樹相移皆人力為之彌山徧谷一望皆蚕其蚕壯大亦生而習野處風

日雨中不為罷然或傷水暎畏雀啄野人飼蚕必架廬林下手
長竿逐樹按行為之察陰陽禦鳥鼠其稔也與家蚕相後先其
穰者歲三收春夏秋為蠶大者二寸非黃非白色類土淺則黃
壤深則赤埴墳如果羸繁實離：綴木葉間又或如雉雞殼也
蚕食槲名槲食椿名椿食椒名椒蚕之小者作蠶堅如石大才
如指在深谷叢條間不閑人力樵收遇之收曰山繭縑不加染
黠而有章蔽不易色宋王禹偁小畜集云野蚕自成繭縑為
山細此物產何許萊夷負海州一端重數斤裁染為縠裘云
讀是詩則知宋時未始珍也且曰裁染不幾于漆方竹杖牙

鳳尾

正德中武陵陳洪謨守漳州之三年海上田者見大鳥飛過遺
羽一于水涯長七八尺五采炫煥眾以為鳳尾來獻命藏庫中

後鎮閣來取荅以焚棄陳洪謨字宗禹弘治丙辰進士兵部左
侍郎所著高吾詩集

碧鷄

歙縣許文穆相國國孝廉時讀書宣城石山寺中偶見二青鳥
飛鳴移時乃去僧曰碧鷄也傳聞唐李翰林自蜀携來者我
明惟舒梓溪狀元一見因出所藏圖卷示之許作碧鷄篇綴其
後

鷄足山異鳥

賓川州雞足山有金鷄泉日有異鳥飲之鳥來必雙至二十雙
而止四時皆然鳥無增減水無盈縮

石燕

零陵石燕相傳能飛：即風雨唐詩石燕拂雲晴亦雨是也謝

鴻云向在鄉中山寺為學見高岩上石有如燕狀者因以筆記之石為烈日所暴忽有驟雨過石即衝起往墜地蓋寒熱相激而迸落非真能飛也 五雜俎

朱鷺

密縣志紅鶴大如舒鴈羽白而朱聲最濁食魚菓樹疑漢朱鷺此也

海鷗

正德末有鳥黑色大如象舒翅如船蓬飛入長安門內大樹上啖鷺如拾蛆虫然數月方去人以為海鷗也

石鵝

萬曆庚子七月山東任城縣浚河於石中剖得二小鷺大如拳能行動一老工曰三十年前曾得一

白蝙蝠

李太白集荊州玉泉山多乳窟中有白蝙蝠飲乳水而長生其大如鷺

鶴

萬曆庚寅夏臣謨入朝偶見苑中五色鶴異之有詩

山東泰安州甘露寺林鶴受記每六月朔去鵬月朔來菓

遼陽多鶴嘗千百盤空列仙傳所云遼陽鶴不虛也

淮安海州產鶴于濱海葎蒂之區捕者深入必折蒂記徑或得其卵蒸置故處七蒸七伏因剖為杯注酒氣形而上如雀

鶴

鶴有長水石故能于菓中養魚而水不涸鶴取菓石周卵以助煖氣

鷓鴣

弋陽汪少宰偉嘗赴中官席飯僅半甌香滑而膏異於常產問所出則蜀中歲進其米生于鷓鴣每尾止取二粒放去來時仍可取也

鷓鴣

萬曆三年乙亥黃克悔北征道出九江同知洪樂鄉告曰元年癸酉正月二十五日中使自西域取二鷓鴣一紅一白毛羽鮮麗蓋人所未觀者自言踰蜀始得之至楚而穆皇已賓天矣有詩紀感

沙雞

萬曆間京師市上有鳥大如鷓鴣毛色淺黃足五指有細鱗如龜紋名曰沙雞云自塞外至者其味亦似山雞五雜俎

沙雞西北邊鳥也口騎數擾沙雞無止冬月薄暮群飛過都如風斯陣後飛止江北食禾稼鳳陽守臣奏異鳥崇禎七年陳子壯南宮集

壬申沙雞入京每來則有邊警蓋古突厥雀也丙子口入宣府舉朝未聞上從宮中傳諭本兵始知其事楊士聰玉堂薈記按唐高宗甘露元年秋鳴鷓群飛入塞人呼鳴鷓突厥雀南飛戎馬必至已而泥孰匄反至春群飛出塞多墮靈武間死視之無首後泥孰匄亡噫以古準今昭若左券矣

綠礬采鷄

諸暨有貨藥毒人者問於鄰媛鄰曰汝欲其急死乎曰然曰亟死禍將及身不若緩之使其人不知可自免也其人善之乃易綠礬與之約數日始應至期又問曰汝欲其必死乎抑尚可解

也曰吾昔有盛怒今稍解矣曰前與者綠磬也不能殺人殆後
爾怒身其人悔謝而去是年母鷄抱卵三日羽毛變五采頭距
易狀編邑人來觀曰鳳雛也恐非地方利夜縱之長山上錢德
洪作綠磬采鷄傳

鷄

鷄昏鳴俗所忌也崇德曹廣遠思崇禎庚辰登第其家雞昏鳴
詰朝捷至元氏長慶集云元和十五年奉宣令採同州雙鷄
五醜各重四斤頻年採取一醜不獲自臣到州詢問採捕人等
皆云二十年採得一醜鷄耳昨旬日之內併獲兩醜斤兩輕重
悉符詔旨今同州鷄無聞止稱泰和鷄萊陽鷄

鴉

廣東無鴉又四川龍安府鴉至四月終有鳥群啄之鴉俱匿形

華亭包長明守羅定所說

羅雀

桐城左遺直光斗萬曆庚子離館里許有白雀巢園飛集環數
百雀江南老人指示土人曰此魏科之應左即登鄉榜飛去了
未會榜又來巢榜發又飛去後官中丞歸被逮公子往宿壽州
居傳誇言羅有白雀視之左翅有黑點仍庚子丁未巢館園者
問其羅曰白三月二十九日即中丞被逮日也為嗟嘆購之隨
身至宿州羈宿公館未發中丞聞狀曰白雀為羅命也夫緣其
毛羽為虞人所損附婦善飼俟其滿縱之中丞父甚愛護七月
二十四夜忽遇猫害中丞父慘然知為指揮鎮撫山問果二十
四日也

抵說

衛輝府治前石獸曰抵詭說文云此獸其性忠直

桃拔

西域諸國鳥弋有獸名桃拔一云符拔似鹿長尾一角者或為天鹿兩角者或為辟邪安息有大鳥爵其頸似鷹身蹄似索駝色蒼舉頭高八九尺張翅丈餘食大麥曾以大鳥卵獻漢即此鳥卵也條枝亦有大鳥卵如甕大目氏出一峯索駝謂脊上有一峰也

毗耶

瓊州臨高縣西市毗耶山有獸似犬里人呼為毗耶

裴休

峨眉小有獸送客呼以裴休則應

騰斡

廣東肇慶府西北十五里騰斡嶺以產騰斡故名騰斡沐猴類頭正方貌類人髮長尺餘嘗覆面欲有所睨輒搖頭以兩手披之

獅

天順中西蕃獻獅子道死獻其皮錦衣衛指揮僉事喜信使其人上書求通使開西域

西苑獅日食一羊西域胡人主之白布纏首帶衣綠支正三品料

鹿

南京靈谷寺 太祖手書第一禪林鹿百十為群其懸銅牌者國初所畜

犬

雲南縣南二十里山水寺有水犬貴客至水犬自吠
俗說犬豕獨產不利爾雅云犬生三獾二獅一獫豸生三獾二
師一時郭璞注猪生子嘗多故別其少者之名又致富奇書犬
生一子其家三年內大發

羊

山西羊有八角至四角六角為常

松潘出六角羊土人云羊與鹿交故六角

白兔

虎鹿兔皆壽千歲滿五百歲者其毛色白 萬曆中有舶商自
暹羅携白兔歸閩售四百金每季而育其種日蕃蓋另一類生
即色白崇禎中浙直徧有之直三四金

鼠

詩相鼠有體人而無禮陸機云河東有大鼠能人立交前大脚
於頭上跳舞善鳴相地名按地志相州與河東相隣則知相州
有此鼠詩人蓋取譬焉 密縣開陽山周圍三里產香鼠惟經
人行之路則抱蒿莖棘枝而死或樵牧者偶過之亦不能多得
黃花鎮禮鼠色如貂毛淺冬聚榛實於穴作岐穴貯之多至
三斗其榛實皆美好倍常山氓多掘取之鼠失榛實北牡皆窄
脛樹枝懸死若縊鎮將閔之雖厲禁不能止

麟

麟爾雅釋麇身牛尾馬蹄一角春秋所獲麟也大廡一角牛尾
即漢武郊雍所獲麟也不角者麟宋仁宗嘉祐二年交趾所進
二麒麟牛身象耳狗足魚麟所食草木皆中國無有

象鼠

山海經華山西七百里曰高山出豪氣今平涼美高山六盤是也豪氣狀如氤毛似刺蝟而大可以為簪黑上白下甚美弩之能射物以自衛嘉靖以前多有 平涼府志

馬

平涼苑馬寺主二監七苑馬政 開城苑荒熟地三萬六千四百七十頃四十三畝縱一百二十里橫八十里碑標二十九樹額軍七百人原馬并駒二千六百三十八匹

廣寧苑荒熟地二萬五千八百八十頃五十三畝縱五十里橫一百里碑標十五樹額軍五百人原馬并駒千二百五十六匹黑水苑荒熟地萬一千六百二十七頃九十六畝軍民地相交碑標十五樹額軍二百七十六人原馬并駒一千四百匹安定苑 七百匹

清平苑荒熟地二萬五千九百一十頃三十一畝縱七十里橫四十里碑標二十二樹額軍五百四十二人原馬并駒二千四百七十四匹萬安苑

武安苑荒熟地二千九百五十七頃四十三畝額軍四百四十六人原馬并駒千九百四十九匹

長樂監轄廣寧開城黑水安定四苑靈武監轄清平萬安武安三苑共收地十七萬七千餘頃馬一萬四千餘匹收軍三千三百餘人田重收輕皮肉收銀三兩有奇按制先定州縣田稅後以隙地為收本自相間嘉靖三十一年平涼通判嘉定陳應祥舉籍平固以北皆為收地民村落室廬皆廢為牧 平涼府志 徐州種馬每見馬一匹人丁十丁田三百畝騾馬一匹人丁十

五丁田四百畝各領養外十丁養牛一隻額分犍牛炒牛每群
一匹定價本色馬二十兩折色馬十八兩 滁州志

